



सानसेयारि **“बड’सा”** ख्रीर्लाइयाव
स्माजयारि जिउजो लोब्बा थानाय रायथाय, खन्थाय,
स्ल’, स्ल’बाथा आरो दावबायारि थावनि, पार्क
बाइदिनि स्मायव लिन्नाय लिन्दिदां दैथाय हर्/
सानसेयारि **“बड’सा”** ख्रीर्लाइया स्वेबस्त्रान्ने
फोस्वावगेन/
बड’सायाव लिन्दिन्नायनि हुदा खलाम,
“बड’सा” ख्री नोथां, जौ बयबो आंगो खलाम।
सानसेयारि बड’सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Saturday ★ 24 May, 2025 Kokrajhar, BTC, Assam ★ Vol.-35, Issue No.59 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

कक्राझार जिल्ला मावफारिया गौथुमनि गोदान आफादखौ दाबाय

कक्राझार, 23 मे: कक्राझार जिल्ला मावफारिया गौथुमआ बावैसोआव 21 थि नै बोसोरारि जथुम्मा खुंनानै फैगौ 2025-26 मायथाइनि थाखाय सा 41 सोद्रोमानि गोदान आफादखौ दाफुंबाय। बोसोरारि जथुम्मायाव (□ 6 बिलाइआव)

सालबारिनि मायंपारायाव जुलि जानाय सार्से आइजोआ गोमादों



भबानिपुर, 23 मे: सालबारि महखुमानि बाहबारि पुलिस बादानि सिखव थानाय मायंपारा गामिनिफ्राय सार्से 26 बोसोर बैसोनि जुलि जानाय आइजोआ गोमानानै थानाय जाथाइआ ओनसोलनाडै गोखों सोमोनां होनायजों लोगोसे (□ 6 बिलाइआव)

गसाइगावनि जमदुवार बियाबआव गुबुन-गुबुन दोलोनिफ्राय इउपिपिएलआव हाबनायनि दोहौ जमदुवार बियाबाव रावबो बेरेखा दोलोआ इउ पि पि एल खौ गोहोम खोख्खनै नो हाया: जिरन बसुमतारी



गसाइगाव, 23 मे: सोलिफु बोसोरारि फैगौ सेप्टेम्बर-अक्ट’बर दाननि गेजेराव खुंजानो थांगासिनो दं बिटिसिनि बिसायख’थि। बे बिसायख’थिखौ नोजोर होनानै दासान्दि ओनसोलारि राजखाथि

गोखोडै बाहागो लानांगौनि थाखाय गाव-गावनि दोलोखौ गोखों खालामनो बायदि-बायदि हाबाफारि लागासिनो थादों। बिटिसिनि गुबुन-गुबुन बियाबफोरजों लोगोसे कक्राझार जिल्लानि सिडाव थानाय जमदुवार बियाबआवबो इउपिपिएल दोलोआ बे खेबनि बिसायख’थियाव गोखोडै बाहागो लानानै जमदुवार बियाबखौ उदां खालामनायनि (□ 5 बिलाइआव)

अल्टारनेटिभ पार्टि अफ बर’लेण्डनि मुसलपुर जिल्ला आफाद दाबाय बिजेपि दोलोआ बिटिसि दखल खालामनो नाजानाया दुखु नांथाव: ड॰ अनजलि दैमारि

मुसलपुर, 23 मे: सोलिफु बोसोरनि फैगौ सेप्टेम्बर-अक्ट’बर दाननि गेजेराव खुंजानो थांगासिनो दं बिटिसिनि बिसायख’थि। बे बिसायख’थिखौ नोजोर होनानै दासान्दि ओनसोलारि राजखाथि



भग्नेश्वरी डेका मेम’रियेल गेजेर इंराजी फरायसालियाव हारिमायारि बाय’डायभारसिटि सान खुंदों



गसाइगाव, 23 मे: राज्ज्योनि गुबुन-गुबुन जायगाफोरजों लोगोसे, बृहस्पतिवार खालि हारिमायारि बाय’डायभारसिटि सानखौ भग्नेश्वरी डेका मेम’रियेल गेजेर इंराजी फरायसालि, गसाइआवआवबो खुंनाय जादों। बे हाबाफारिया साननि 2:00 रिगायाव (□ 6 बिलाइआव)

दोलोफोरजों लोगोसे माखासे हादरारि थाखोनि राजखाथि दोलोफोरबो बिसायख’थियाव बाहागो लानायनि थाखाय जानजि खाफ्रादों आरो दासान्दि दाब-दाब जायगायाव दोलोयारि मेल एबा हाबाफारि लाबाय थानायखौ नुनो मोनदों। बिसायख’थियाव देरहानो हानाय बायदियै गावबागवनि दोलोखौ गोखों खालामनायनि थांखिजों जायगा-जायगा राइजो-रजाफोरजों सावरय मेल लाबाय थानायखौबो नुनो मोनदों। बेबायदिनो ड॰ अनजलि दैमारिनि दैदेनाय अल्टारनेटिभ (□ 6 बिलाइआव)

मिरु एबसुआ ‘19 थि कमल कुमार ब्रह्म देरहासाद बान्था-2025’ खौ टप-10 फरायसाफोरनो गथाइबाय बर’ हारिखौ जौगाहोनो थाखाय जौनि फरायसाफोरा गुन गोनां सोलेंथाइ लाथारनांगोन: दिपेन बर’



बड’सा थान्दै / गरेस्वर, 23 मे: फरायसाफोरखौ थुलुगाखां होनायनि थांखिजों सिगां बोसोरारि होबोनाय बायदिनो दुलाराय बर’ फरायसा आफादआ आसाम स्टेट स्कुल इडुकेसन बर्ड (एसएसइबि) जों खुंजानाय देरलायनि 2025 ई माइथायनि मेट्रिक आन्जादआव टप-10 जायगा आवग्रिनो हानाय फरायसाफोरखौ आन्जादआव बर’ बिजोंजों फरायनानै जौसिन 10 थि मासि एबा टप-10 आवग्रिनो हानाय फरायसाफोरनो 19 थि कमल कुमार ब्रह्म देरहासाद बान्थाखौ दिनें होबाय। तामुलपुर जिल्लानि गरेस्वरि बिष्णु राभा भवनआव दिनें मोनसे मेहेर गोनां बराय हाबाफारि खुंनारिनि गेजेरजों बर’ बिजोंजों फरायनानै देरलायनि मेट्रिक आन्जादआव टप-10 जायगा आवग्रिनो हानाय फरायसाफोरखौ आन्जादआव बर’ बिजोंजों फरायनानै जौसिन 10 थि मासि एबा टप-10 आवग्रिनो हानाय फरायसाफोरनो 19 थि कमल कुमार (□ 6 बिलाइआव)

रुपहीआव दख’रा एबसुनि बानजायनायाव सा 34 गुन गोनां फरायसाफोरखौ मान बाउदों



भबानिपुर, 23 मे: सालबारि महखुमा रुपहीनि सामुथाइ बाथो आश्रम गोजौ गेजेरारि फरायसालियाव दिनें दुलाराय बर’ फरायसा आफाद (एबसु) नि रुपही दख’रा आफादनि बानजायनायाव गुन गोनां फरायसाफोरखौ बराय मान बाउनाय हाबाफारि खुंनाय जादों। मख’नो गोनांदि, बेखौ लोब्बा लानानै एबसुनि रुपही दख’रा (□ 6 बिलाइआव)

माजबातआव बिजेपिनि पासनै मण्डल आफादनि बान्जायनायाव जर’खा आफादरि मेल खुंदों



उदालगुरि, 23 मे: भारतीय जनता पार्टी उदालगुरि जिल्लानि पासनै सेरफां मण्डलनि बानजायनायाव दिनें माजबात (□ 6 बिलाइआव)

बर’ कछारी अनसाय गाव हायुडरि खुंथाइनि हेफाजाबजों हारिमुवारि जौसां लुफुंनारिनि अन्थाइ खाम्फा गाइसन्दों



सिमेन सापरी, 23 मे: बर’ कछारी अनसाय गावहायुडरि खुंथाइनि सिडाव थानाय सिमेन सापरी एसबि बड’ गोजौ

फरायसालिनि गेलेग्रा फोथाराव गोदानै लुफुंनो थांगासिनो दं हारिमुवारि जौसां। बर’ कछारी अनसाय गाव हायुडरि खुंथाइनि

राइजिं नर्ट इस्ट शमितआव गाहाइ मन्थि नरेन्द्र मदिआ बाहागो लादों

सा-सान्जाआ आथिखालआव भारतनि जौगाखानायनि इन्जिन जाबाय, सा-सान्जाआ जौनि थाखाय अष्टलक्ष्मी: गाहाइ मन्थि

गोदान दिल्ली, 23 मे: भारतनि गाहाइ मन्थि नरेन्द्र मदिआ दिनें सक्रुबार खालि गोदान दिल्लीनि भारत मण्ड’पमआव सा-सान्जा भारत जथुम्मायाव बाहागो लाफैदों। बेयाव गुबुन हादरनिफ्राय फैनाय सा 75 निखुइबो बांसिन थादैफोरा बाहागो लाफैदों। हाबाफारियाव (□ 6 बिलाइआव)



गसाइगाव बिएड फरायसालिमायाव माहारियारि थाखोनि सावराय जथुम खुंदों गोसोआरि नारसिन्थाइखौ सामलायनाया बेसेन गोसा नडा: ड॰ मनजिल बसुमतारी

गसाइगाव, 23 मे: कक्राझार जिल्लानि गसाइगाव महखुमायाव दिनें मोनसे माहारियारि थाखोनि सावराय जथुम खुंनाय जादों। गसाइगाव बिएड फरायसालिमानि आइ किउ ए सि बिफानिनि बानजायनायाव ‘गोसोआरि नारसिन्थाइनि सामलायथाइ’ आयदाफारिनि सावरय जथुमखौ फु’ समाव बिफां फु लि गायनायनि गेजेरजों हाबाफारिया जागायजेनो। हाबाफारियाव बड’लेण्ड मुलुग सोलेंसालिनि



सोलेंथाइयारि रेजिस्ट्रार ड॰ आलारि बाथि फोजोनानै सावरय मनजिल बसुमतारीआ गाहाइ जथुमखौ गोथारै बेखेवनानै आलासि महैर बाहागो लाफैनानै (□ 6 बिलाइआव)

तामुलपुराव गेदेरथार त्रिरंगा यात्रा आयदा फारिनि लामा हानजा सुरदों



तामुलपुर, 23 मे: काश्मीरनि दावबायारि जायगा पेहेलगामआव अराय समनि सुथुर हादर पाकिस्ताननि हेफाजाब मोन्नाय उदखारिफोरनि गाग्लोबनायनि उनाव भारतनि मोन्थाम रेखाथि हानजा फारियै- इण्डियान आर्मी, नेभि आरो एयार फर्सआ पाकिस्ताननि हँथायै ‘अपारेसन सिन्दुर’नि गेजेरजों खिथेर होखारिफिन्नाय महैर गोखोडै गाग्लोबफिनदों। उदखारिफोरखौ हेफाजाब होग्रा पाकिस्ताननि हँथायै दावहा नांन (□ 6 बिलाइआव)

9 नं बनरगाव ब्लक बिपिएफनि मावखुलि बेखेवनायजों लोगोसे जयनिं हाबाफारि

बनरगाव बियाबआव बिपिएफ दोलोआ 70 जौखेन्दो भटारदं: कुमुद चन्द्र नार्जारी

कक्राझार, 23 मे: खुंजानो गोनां बिटिसि बिसाइख’थिखौ मिरु खालामनानै बिपिएफ राजखाथि दोलोआ दिनें 9 नं बनरगाव ब्लक बिपिएफनि मावखुलि बेखेवनायजों लोगोसे मोनसे जयनिं हाबाफारि लानाय जादों। फैगौ बिटिसि बिसायख’थिनि थाखाय बनरगाव बियाबाव जानजि खाफ्रादों बिपिएफ दोलोआ। कक्राझार जिल्लानि सिडाव थानाय 9 नं बनरगाव बिटिसि बियाबाव देरहानांगौनि थांखिजों बिपिएफ दोलोआ दासान्दि थाद’नाय गैयै खामानि



मावगासिनो थादों। थांनाय खेब 4 बिटिसि बिसायख’थियाव बिपिएफ दोलोनिफ्राय टिकेट

लानानै देरहाबोबाय थानाय 9 नं बनरगाव बियाबखौ बे खेबनि बिटिसि बिसायख’थियावबो (□ 6 बिलाइआव)

सुजुगिरिनि खोलोम



दाव-हांसो,ना-अमा फिसिनार्यनि राहा फारि

*आ*बादयानो बर’फोरनि थांना थानायनि गिबि आरो गुदि फुंखा। आबादिनि अनगा सदा-बुसा मावदामब्लाग्रा गामियारि बर’फ्रा गुबुन माबा मोनसे मुलाम्फायारि गोनां खामानि दामानि मावनानै रांखान्थियारि बिथा फसंथानो आरो आबादखौनो गुबै राहा हिसाबै लायोब्लाबो गोनोखोयारि आदोबजों आवगायनो हाद्रायारखै। अब्लाबो बुंनांगोन बर’फ्राबो आधिकालाव-फालांगिरि,मोजां आबादारि दंसै। फालांगिरिफोरनि बाश्राखौं राखाडबालानो मिथिंगायारि फुंखानिफ्राय मोन्नाय माखासे खाबु आरो देहानि बोलो बाहायनानै मावसोमनायनि गेजेरजों गामियारि रांखान्थिखौबो गुस्लायनाय लाबोनो हासै। मुलाम्फायारि जानो राहा दंसै। बेफोरनि गेजेराव ना आरो हांसो-दाव फिसिनायाबो मोनसे। गुबैयै ना आरो हांसो-दाव फिसिनायनि मोजां समानो जादों दैज्लां बोथोर। दैज्लां बोथोर सौफैब्लानो गामि ओन्सोलनि गोबां हाखर-हाला, गरखाय-दंगफ्रा अखानि दैजों दानब्रै-दानबासिम आबुं लोमनानै थायो। बेफोर एरैनो गोगलैसोनानै थानाय हाखर-हालाफ्रव समबाय हिसाबै एबा गावयारि हिसाबै बोथोरावनो ना फिसिनो हागौ। ना-जों लोगोसे जावजा आबाद हिसाबै हांसो फालोबो फिसिनायनि राहा खालामनो हायोब्ला रांखान्थियारि फुंखाखौं एसे एनै बांहोनायनि मिजिं खालामनो हागौ। दैज्लां बोथोराव थि बेंखनथायनि गेजेराव दोन्नानै हांसो फिसिनो लायोब्ला दैयाव थाल्दानाय-साम’-खांछाइ, गुमा, बायदिसिना एम्फो-एनलाफोरखौनो गोजोम-गोजोम जानानै थानो मोजां मोनो हांसोया। जाउनाव गोबां आदारनि गोनांथि जाया। बिब्दिनो हाखर-हालानि फोसाबस्राडैहाग्रा-बंग्रा, दाखोर-दालाफ्रबो ना फिसिनायाव गोबां मदत खालामो। नानि थाखाय फोसाबै हाखर, गरखायफ्राव गोबां आदार नांगौ जानानै फैया। मानो होनोब्ला बेफोराव नानि थाखाय गोबां आदार ज’ जानानै थाखायो। बेखायनो बेफोरखौं सिगां नोजोर थिग्रोनानै मोजां आरो गोगो जोलैनि ना फुवान आरो हांसो जोलै ज’ गायनानै फिसिनायनि बे गोलेँ राहाजों बाडाइ खरसा आरो बाडाइ समनि गेजेरावनो गरफा-गरनै खामायनायनि लामा ओंखारो। गोलेँ दिखुरा हांसो फिसानि थाखाय ना फिसिनाय बादिनो सोरगिदिं जेवरानि गेजेराव सम सम आरो बाइजोयावबो सम लानानै हगारलाय-थिसनलाय खालामना होनायनि राहा लायोब्ला गोख्रै देरनो बोलो मोनो। आधिकाल ना-बेदरनि साहिदा बांनाय आरो बारायग्लाबनाय बेसेनखौं नोजोर होनानै ना-हांसो फिसिनायजोंबो रांखान्थियारि बिथिडै गोख्रों जानो हायैनि बाश्रा फैया। नाथाय बेफोर आबादजों गोबां मुलाम्फा जायैआ सैथो , नाथाय बेकारफोरनि थाखाय साखि-बाखि जासान्दि आखायनि खरसा फैनायाबो सैथो।

आथिखालाव रोजा-रोजा बेकारफोरखौं सरकारि मावफारिया थिसन्नानै जेनाखौं सुफुंनांगीया गोब्राब होन्नानै नुहरखानाय। बे बिथिडै सरकारि मावफारियाखौल’ नेनानै थास्लायसाय बाडाइ सम आरो एसेल’ खरसाजों गोलेँ गोलेँ बिथांखि लानानै रां खामायनायनि राहा लानानै सरकारि अनसुंथाय मोन्नायनिबो सरकारि मावफारिया, बिबानगिरिफोरजों सोमोन्दो लाखिनाया गोनांसै।□

दिनैनि फान्जामुधि			
राशि बाइदियै मुंनि गिबि हांखो			
मेष : अ ल	बुष : ऊ ब (उ ए इ)	मिथुन : क छ (ङ घ)	
कर्कट : ड ह	सिंह : म ट	कन्या : प ट (ण ष)	
तुला : त र	वृश्चिक : ब न	धनु : ध भ (ढ़ फ)	
मकर : ख ज	कुम्भ : ग श (स)	मीन : द च (ख ज झ)	
	मेष: जेखि मावा गोहोम खोछ्लैनो हागोन। फारफ्रोमथिबो मोजां। गोजोन मोनगोन।		बृष: मोजां रेंग थि जानो हानायनि मान-सन्मान मोन्नो हागोन। गोसोखौ गोजोन मोनगोन।
	मिथुन: फालांगिरि मावग्रानि थाखाय गाहाम सान। मुलाम्फा खालामनो हागोन।		कर्कट: सोरजोंबा निन्दा होजानाय, सोंखारि जानाय जानो हागौ। गोसोखौ हमथा।
	सिंह: सोलोंथायाव मोजाडै देरहासार जानो हानायनि मान बाउजानो मोनगोन। गोजोन मोनगोन।		कन्या: बेफार फालांगि मावनायाव रांखावरि मुलाम्फा मोन्नो हागोन। मोजां सान।
	तुला: गोबाव समनि बेरामफोर दडबा सिखांबायनो हागौ। देहाखौ सांग्राडै लाखिनांगोन।		वृश्चिक: जेखि जाया फिसा-फिसौ बेरामआव गोग्लैबायनो हागौ। जैरेबो सांग्रां जानानै थानांगोन।
	धनु: बबेबा गोजान जायगायाव दावबाय हैनो मोन्नो हागौ। गोजोन्नाय मोनगोन।		मकर: मानिबा जाहोनाव सोरज रेंबा सोमोन्दो गावस्त्रालायनाय जानो हागौ। गोसोखौ हमथा।
	कुम्भ: मानिबा थाखाय जिंगा सिनांनो हागौ। गोजोन्नाय गैयैजों सम बारहोनांगोन।		मीन: दावबायनो सान्नायाव सोरनिबा हेंथा मोन्नो हागौ। सान्नाया जाफुनाय नड।

(सुंद’ सल)

होथ’सुरि सियालनि लाइजाम

हिमालय हाजोमार्नि खोलाहा सोमखोर मिथिंगा जों बुंफबनाय फैलाव हायेन! अरायबो निजोम गुसु बरफनि फ्रि-फ्रि थायर्फ्रिनायजों गोजां बोथोराव सुग्लिहाबसिन जायो, थेंजों बुंनो थांब्ला माइनास डिग्रि सेल्सियास आवग्रिनानै थानाय मोनसे ओनसोल। जारिभिना मोनहास’हायै समनिफ्राइनो बे ओनसोलाव जीउ-जुनात, दावमा-दावसा आरो मानसि-दुमसि बयबो गावबा-गावनि धोरों, आदब-खान्थि, रिथि-निथि, सान्नाय ह’नायखौ लानानै उदाडै जीउ खांबोदों।

बेनि गेजेरावनो ब्याव हान्जासे सियाल नि फालोयाबो बे ओनसोलनि नोगोरारि मोन। गावसोरनि साबजानाय बायदि बिसोरबो गोबाव समनिफ्रायनो गावजों-गाव ज’-ज’ थाग्रा थावनि सायखना थाबोदों, जीउनि दावहायाव बिखा फोरदानै थांना थानायनि मोनसेल मिजिं लानानै।

सोरजनि बिलिरनाय माब्ला मा जायो रावबो जेबो मिथिस्’ हाया,बोथोरा मिथिगौ गावनि सम बेबो नाथाय रावनिबो आंगो नड अब्लाबोथ’ जों बयबो बेनिनो थागिबि होखानाय खान्थिखौ बस’नो रावहाबो गोहो गैया, बिदियैनो फैदों,बिदियैनो थागोन आरो बिदिनो थांगोन। बे हायेननि खुसियाव बाज्ल’-बाज्ल’ रंजानाय मिनि गाग्लाबनाय अनलायनाय हान्जा लायै-लायै आदारनि मैहुर खालामनाय, दुखुनि समाव हांमा सुरै-सुरै गाबनाय-होखावनाय, रागायाव नांलायनाय, अरलायनाय-खेबलायनाय, नेरलायनाय, आरो समाव गासैखौबो बावगारनानै गाव-गावखौ लानानै हेंगो-देंगो मुखुब थासारिया समायना भुमखौ समायनासिन हायना सारफ्रावो आरो फैलाव हायेना सिरियै समनि साखि जानानै थालाडो। बिदिनो रंजा बाजा-सुखु दुखुनि गेजेरजों समाबो गावनि लामाजों आवगय लांबाय थायो।

सानसेखालिनि बाश्रा, गामाखालिनि बायदिनो ओइदिनबो सियाल फालोआ जाय जेरै हायो एरै-----सोमखोर मिथिंगानि फैलाव फोथाराव गोसो होसारना आदार नागिरनो ओंखारलाडो आरो दान्दिसे उनाव बयबो गावबा-गाव मुखुब जायो। थिख बे समावनो मासे बिष गोनां जिबौआ हरखाब मासे सियालनि थोंसे आर्थिआव सौबो। सौजानाय ‘होथ’सुरि सियाल’आ सानाय आलौनायजों आयखां-बायखां जानो हमो, दान्दिसे उनाव देहानि गासैबो बाहागोआव आलौनाय सानाया साग्लोब लांनायलाय सिबाय ‘होथ’सुरि सियाल’आ गावसिनि थाग्रा थावनि आव बाज्रेद-बादेत थांना थाहैयो। नाथाय गावसोरनि सियाल फालो (समाज) आ ‘होथ’सुरि सियाल’ खौ गावसोरनि फालो (समाज) नि गेजेरनिफ्राय होखार हरनायनि थांखि लायो। बिसोरो सान्नाय सैदि, बिखौ बेनिफ्राय होखार हराब्ला बियो जों बयनिबो देहायाव बिष गोसार होगोन। जेरै थांखि एरै हाबा---- गोजां बोथोरनि सुग्लिहाबनाय गुसुजों सानाय आलौनायाव गोग्लैना लोमजानायजों लोरबां देहानि ‘होथसुरि सियाल’आ थोंसे आर्थिंखौ बुदरु-बुदरु गाबै गाबै हांमा सुरै-सुरै आंगो जायगानिफ्राय ओंखार लाडो। सिबाय---- ‘होथसुरि सियाल’आ आगानफ्रोमबो थरथिं थरथिं मेगननि मोदै ग’नो गोनां जायो। जिबौ सौनाय सानायनिखुइ बियो गावनि आंगो सियाल फालो (समाज) आ गावखौ नेवसिगारनाय जाथाया बांसिनै बिखौ दुखु होदोंमोन। मानोना बे समाव बिनो आंगोफोरनि मदद आरो जोथोननि गोनांथि दंमोन।

ओजोंहाय सियाल फालो (समाज) नि माखासे सियालफोरा जोखोम जानाय ‘होथसुरि सियाल’खौ गोजान----- निफ्राय जोबथा फैसालि मोनहैनाय सिम नायहरबाय थायो। बिसोरनि खायसेया गावसोरनि गेजेराव बुदु-बादां बुंनो हमो, बिखौ थांनो हो---- बियो जोंनिफ्राय गोजान जायगायाव थांनानै थैहैब्ला जौनि मोजां जागोन। उनहालागै ‘होथ’सुरि सियाल’या जेब्ला जोबथा फैसालियाव गोमोर लाडो अब्ला सियाल फालो (समाज) या थि खालामबाय दि, बियो दाहालागै थैनायनि खुगायाव गोग्लैबाय ! बिसोरनि खायफाया उदां अखरां सायाव गोसो होना नोजोर हरो----- सिगुन दाउनि मिनि रंजायै गां फुवार फुवार बिर्बोनाय मेगन फैसालिनि नोजोराव गोग्लैगोन मिजियाव। गोबां साननि उनाव !

सानसेखालि मासे दाउ ख’खिलिंआ हरखाब सियाल फालोनि थाग्रा थावनियाव रादाब फोसाव फै यो-----‘ नों’सोरनि फालो(समाज) निनो ‘होथ’सुरि सियाल’आ थांनानै दं ! बियो गोजान जायगायाव मोनसे खरं आव हारसिं थायो। बियो मोजां जाबाय नाथाय जिबौ सौवनाय थोंसे आर्थिंखौ खोमा नांबाय। जानायनि आदार नागिरनो थाखाय बिहा जोबोद जेंना (खस्थ’) ; दायो बिनो नोंसोरनि हेफाजाब नि गोनांथार’।

दाउ ख’खिलिंनि बाश्रा खोनानै बयबो द’से सिरि जायो दान्दिसे उनाव बिसोरनि बयबो गावबा-गावनि बायदि बाइदि जेंना दिन्थिनो जागायो।

-----आं थांनो हाया,आंहा दायो थोरसि (मोदोमाव दं) जाबाय जिरायना थानायनि सम.....

-----आंहा थांनो हाया, आंहा उन्दै-उन्दै फिसाफोरखौ जोथोन लानांगौ.....

-----आंबो थांनो हाया, बे समानो आंनि आदार बुथुमना दोन्नाय नि थि सम.....

फारि फारियै गासैबो बे समाव हेफाजाब होनो हायैनि बाश्रा फोरमायो । जोबनायाव रावनिबो जेबो हेफाजाब होनायनि इसरा मोनै लाय दाउ ख’खिलिंआ खरं फारसे गिलिद गोसोयै बिरलांफिनो।

गोबाव सम,बोथोर आरो थासारि बाबेनलांनायनि उनाव फिन खेबसेबाव दाउ ख’खिलिंआ फैफिनबावबाय नाथाय बे खेबाव गाग्रि खौरां लानानै सौ !

-----नों’सोरनि फालो (समाज) नि ‘होथ’सुरि सियाल’आ थैलांबाय। हारसिडै गांनाय उछैनाय सहायनो हायैआव रानच्रिंना बियो खरं सिडवनो थैना थाबाय। बिखौ फबनो आरो जोबथा बिदाय हरनो बिहा रावबो गैया !

बे समाव सियाल फालो(समाज)नि थाग्रा खुलिनि बयबो सियाल फोरा स्त्रि-स्त्राय जानायजों थाग्रा थावनि याव दुखुनि गोसोम जोमैया साग्लोबना थासारिखौ गाबा मोखां महर गैयै नोरजिया खालामदों।

मोदोमाव दोरसि थानानै जिरायनाय सियाला बो बायजोआव ओंखारबोयो।

आदार बुथुमनायाव मुखुब सियाला बो आदार बुथुमनायखौ दोनथ’यो।

उन्दै-उन्दै फिसाफोरनि जोथोन लाबाय थानाय बिमा सियाला बो दान्दिसे समनि थाखाय बिसोरनि बाश्रा बावगार लाडो।

बेनो जादोंमोन उन दाहा----- जोंब्लावनाय उनदाहानि गोख्रैथि दाहारजों मानो सिगाडव थांदिya ? बायसेश्रा सोंथिनि मोगा-मोगि गावनो गाव जानो हमो।

बे खेबाव गासैबो सियाल फालोया दुखु जों गाबै गाबै बै खरंसिम थांनो ओंखारो। खरंआ बेसे गोजानाव आरो बहा दं बेफोरखौ रावबो मिथिनो नागिराखै। बयबो ‘होथसुरि सियाल’ थैनायनि थाखाय गोसोआव दुखु जों गाबखांनाय फैदों। नाथाय बिसोरनि बयबो खरंसिम सौहैदों मोनब्लाबो,बे सम सिम हालागै जोबोद गोबावद्राय जालांबाय मोन। बैयाव गांसे गोग्लैना थानाय लाइजाम नोजोराव गोग्लैनाय नि अनगा ‘होथसुरि सियाल’ नि गोथै सह नुनो मोनाखिसै।

गिलिर गोसोजों सियाल फोरा लाइजामाव लिरनाय बाश्राफोरखौ फारियै फरायलांना मिथिनो नाजायो।

लाइजामाव लिरनाय दंमोन-----

-- ‘जीउनि थांनानै थानाय गोबां समाव गावजों गाव मददिनि आखाय फोलावनो थाखाय उमुंसेयावबो लामा बारलांनो हाया नाथाय थैनाय समाव फबनो थाखाय पृथ्विखौबो बारबोना फैनो हायो.....आरो जोबथा बिदायनि मोदैया बांसिनानो दुखुनि जाया उनदाहानि रिफिखां नायनिसो’ !

बेयो ग’मामा सोरजनि सोरजिनाय आखुथाइ ना मिथिंगानि सोरजिनाय आखुथाइ ना जिउ जुनारआ गावनो सोरजिनाय आखुथाइ ! बेनि थार गुमुर संदानो निरिबिलि निजोम जायगा नागिरना नोंसोरनिफ्राय अरायनि थाखाय बिदाय लाना ओंखार लांबाय। गोजो-थों।

नोंसोरनि..... होथ’सुरि सियाल।

बुधदेब मुसाहारि
बिसमुरि बासबारि
कक्राझार बि टि आर आसाम
फन नं: 9954941703

हारि खौसेथिनि फरमुला

फैलाव ब्रह्म
तामुलपुर

सोरनिबा थामोनथाखौ सिलिंखार खालामनानै हारिखौ खौसे खालामनो नाजानाया थार नड। थामहिनबा BPF’खौ फोजोबनानै UPPL’खौ लाखिनायजों आरो UPPL’खौ फोजोबनानै BPF’ खौ लाखिनायजों हारिया खौसे जाया। BPF आरो UPPL’ मोननैखौबो फोजोबनानै जयै गोदान हान्जा दायोब्ला गोरोबनाया फैगोन। मानोना रावबो गावनि थामोनथाखौ खोमानानै गुबुननि सिडव थांनो लुबैया-बे मोनसे मोनथोरखौ बुजिख’नानै आवगायलांनायाबो हारि खौसेथिनि मोनसे फरमुला।

खौसेथिनि मुडव मोनसे हानजाया गुबुन मोनसे हानजाखौ गोमाजानो लुबैनाया बर’नि खौसेथिखौ जखम खालामगोनखौ रोखा रोखा नुहरदों। बुंजायोदि जौनि खौसेथिया दिनैनि समाव गोनांथार। मानोना जौनि खौसेथि गैयैनि खाबु लानानै जौनि सुथुरफोरा दलामै मुलामफा लाबाय। जाय बिटिचिखौ हारिनि सुबुंनि थै होनानै लाबोदोंमोन दिनै बे बिटिचिनि गोहोआ खावसे बर’ बेरेखानि आखायाव थांनानै दड। जाहोनाय जौनि मोजां मावनो गोहो लाबोखांनायनि उनावबो बे गोहोखौ जों आबुडै बाहायनो हायाखसै।

खौसेथि गैयैनि जुनैनो थांखांनाय सानफोराव जौनि नायल’-जाल’ मोनसेल’ एमपि समस्थिखौ जि बोसोर सुथुरनि आखायाव हगारनानै होनांगौ जादोंमोन। दिनैबो गावनि गेजेराव खौसेथि गैयैनि जुनैनो गावनि खुंथायखौ गुबुनजों बाहागो खालामनानै सरखार दानांबाय। जायफोरा बिटिचि लाबोनायाव जोंखौ हेंथा होदोंमोन बिसोरनोनो बिटिचिनि फिथायखौ हगारनानै होनांगौ जादों। बिदियाव हारिया सानश्र’ हायै खहा जाबाय ब्वेनिखायनो थांनाय जारिभिननिफ्राय जोंहा सोलोंनांगौ गोबां दडा

गादिखौ जों सोरनोबा बाउसोमनायाव हारिया रैखा जायोब्ला बे गादिखौ जोंनो मानो ? मानोना गादिखौ हारिनि थाखायसो सोरजिनाय जादोंमोन। बेनिखायनो बेखौ हारिनि थाखायनो बाउसोमनो नांगोन गादिखौ जौनि सानोब्ला हारिया गोमागोन आरो हारिखौ गावनि सानोब्ला माब्लाबा गादिखौबो खोमानांगोन। हारिखौ खौसे खालामनायनि खाथिराव बे त्यागखौ जों खालामथारनांगोन। मानोना हारि खौसेनि फरमुलाया बेबो मोनसे। बे फरमुलाखौ जों बोजोबनो हानांगोन।

जों राजखान्थिनि गोहोखौ गावनि आखायाव लाबोनो हानाय समा बारा गोबाव गैलामोन लाथाय दिनैसिमबो जौनि गावजों गाव मोहेरलायनायफोरा जोबाख्रैसै जौनि बिब्दि आखुफोरा गाबोन जों दावहाथिलियाव जेनगोननि इसाराखौ जोंनो होदों। जौनि अहंखारा जौनि लामाखौ अराय दिंग्राय होगासिनो दड। बे अहंखार आखुवानो जोंखौ जावले जावले खैफोतनि लामाजों दैदेनलांदों।

हारिखौ दैदेननायाव आं थायाब्ला जानाय नड बे अहंखार सानस्त्रिखौ गोसोआव लाब्ला जाया।मानोना दाक्ज्ला गिसिरबाब्लाबो सोरांखायो होननाय बायदि सोरबा ससे दैदेनगिरिया जौनि गेजेराव गैयाब्लाबो हारिखौ जौनिनो सोरबा सासेया दैदेनलांगोन बेयाव जोंहा सन्देह जानांगौ गैया ब्वेनिखायनो हारिनि बायनाय जिनायखौ नोजोर होनानै हारिनि जुनै गावनि गादिखौ बाउसोमनायाबो हारि खौसेथिनि मोनसे फरमुला।□

एस जयशंकरआ इउएसआ ग्ल’बेल ट्रेड वारखौ जागायबाय होन्ना बुडे



गोदान दिल्ली, 23 मे: गुबुन हादतआरि मन्थि एस जयशंकरआ बे समाव इउरपनि दरथाम हादतफोराव दावबायहैदों।बिथाड बे समाव निदारलेन्डआव दहैयो। बेयाव बिथाडा उतखारिनि हेंथायै भारतनि फारसेनिफ्राय सालायनाय अपारेशन सिन्दुर, पाकिस्ताननि उतखारि, इउक्रेन

जयशंकरआ रजखान्थिजों लोगोसे मोनसे गाहाइ इन्टारभिउआव बुडोदि, बिसोर डेनमार्क’खौ लानानै गोसो दुंनानै दड।मुलुगआ आथिखालाव मोनसे जेंनाजों भुगिनांगसिनो दड।मानोना मुलुग’नाडै गुलाय-गुजाय सोमजिदों। बिथाडा बुडोदि, गाजा आरो इउक्रेनाव गिख्रंथाव दावहा सोलिगासिनो दड।जुथाय राइज्यो आमेरिकाआ मुलुगआरि फालांगि दावहा फोसावो।चीनआ ताइवानखौ सिगिगासिनो दड आरो भारत आरो पाकिस्तानआ दावहाजों भुगिनांगसिनो दड।बे गासैबोनि गेजेरजों मुलुगा फिन खेबसेबाव बेलेन्स गोनां जादों।□

अन्ध प्रदेश सरकारआ कभिड-19 केस बांनायनि गेजेरजों मोनसे एडभाइजारि फोसावदों

अन्ध प्रदेश, 23 मे: गासै हादतनाडै फिन खेबसेबाव कभिड-19 नि अलखदआ साग्लोबसारंफिन्दों। बेनि जाहोनाव अन्ध प्रदेश सरकारआ कभिड-19 नि केस बांनायनि गेजेरजों मोनसे एडभाइजारि फोसावो। सरकारआ बैसो गोर आरो गोर्बोंआव थानाय



माक्स गान्तोबो बोसोन होदों। जानायाव थाबैनो नायबिजिरनोबो बेजों लोगोसे करनानि लोक्षोण बिथोन होदों।□

Lost


I have lost my Assam Science and Technology University Registration Certificate (B. Tech, 5th Sem. EE) bearing registration No. 017609121.

If anybody found the same kindly despatch to the following address.

Ram Bahadur Chetry.
Vill.- Kumguri
P.S. & Dist.- Kokrajhar, BTR, Assam.

हा गिसिखानायनि उनाव चीनआव आरोबाव मोनसे खैफोद फैदों

बेइजिं, 23 मे: चीननि तिब्बत ओन्सोलाव शुक्रबार फुङव गोख्रों बांग्रिं मावदों। बे बांग्रिंआ तिब्बतआव फुंनि 9:27 रिंगायाव मावदों, जेराव रिक्टर स्केलआव बांग्रिनि गोख्रेंथिया 4.2 मोन। नेशनल सेंटार फर सिस्म'लजि (एन.सि.एस.) आ बे फोरमायथिखौ होदों। बांग्रिनि मिरुआ चीन आरो नेपालनि सिमा खाथियावमोन। बावैसो सिगां चीननि तिब्बत ओन्सोलावबो गोबां बांग्रिं मावदोंमोन। मख'जाथावदि, सिगाङव खोला-सोनाब चीनआव मोनसे गिख्रंथाव हा गिसिखानायनि खौरां मोनदों। बे हा गिसिखानाय जाथायाव साब्रै सुबुनि जिउ खहा जायो, जेराव सा 17 नि बांसिन सुबुंफोरा दाखोर-दालायाव थाबथाना दं। बावैसो सानफोराव हादर आरो मुलुगनि गोबां ओन्सोलफोराव बांग्रि मावनायनि जाथायफोरखौ बांनाय नुनो मोन्दों। जोंनि बुहुमनि गाहायाव मोन 7



टेक्ट'निक प्लेटफोर दं। बे प्लेटफोरा गावसोरनि थाथाइयाव थाबाय थायो। बबेखाणि माब्लाबा-माब्लाबा बिसोरनि गेजेराव सौग्रावनाय जायो। बेनो जाहोर्नदि, जों बुहुमाव बांग्रिनि जाथायफोरखौ नुनो मोनो। बे बांग्रिफोरजों सरासनस्त्रा सुबुंफोरा बांसिन खहा जायो। बिलडिंफोरा गोर्गलैयो जायनि जाहोनाव गाहायाव थाबथानाय रोजा रोजा सुबुंफोरा जिउ गोमायो। भुम खौरा डांरि बिगियानगिरि फोरनि

बायदिब्ला, भारतनि 59 जौखोन्दोसो हा ओन्सोला बांग्रिनि फारसे सांग्रां होन्ना मानिनाय जायो। बिगियानगिरिफोरा भारताव बांग्रि मावग्रा ओन्सोलफोरखौ मोनब्रै बाहागो जन-2, जन-3, जन-4 आरो जन-5 आव बोखावदों। जन-5 नि ओन्सोलफोरखौ बयनिखुइबो बांसिन सांग्रांथि गोनां होन्ना मानिनाय जायो, बबेखाणि जन-2 खौ एसेल' सांग्रांथि गोनां होन्ना मानिनाय जायो।

जोंनि हादरनि राजथावनि दिल्लीया बांग्रिं मावग्रा ओन्सोल-4 आव गोर्गलैयो। बेवहाय 7 निखुइ बांसिन बिबांनि बांग्रि फैनो हागौ, जाय जोबोद खहा खालामनो हागौ। हिमालय ओन्सोल आरो माखासे गुबुन गोरोथि लाइनफोर जैरे- (कच्छ, सा-सान्जा भारत) नि जाहोनाव भारताव बांग्रिनि खैफोदआ बांसिन, मानोना भारतारि प्लेटआ युरेसियान प्लेटजों सौग्रावगासिनो दं। 4 निफ्राय

दिल्ली-इउपिआव अखानि सन्देह, पान्जाबआव हिट वेबनि येल एलार्ट



गोदान दिल्ली, 23 मे: दिल्ली एनसिआर, हारियाणाजों लोगोसे उत्तर प्रदेशआव थांनाय बुधबार हराव बोथोरसोलायनाया गोबां खहा सोमजिहोयो। गिख्रंथाव बारहुंखाजों लोगोसे गोख्रों अखाया जिब-जुनातफोरनि जिउ खानायखौ जेना गोनां

खालामदों। बेयावनि लामाफोराव गोबां बिफांफोरा बायथेयो आरो अखा मोफ्लामो। न'फोरनि वालफोरा बायग्रबो, टिंफोरा उरायो आरो माखासे जायगाफोराव लामाफोरा आबुडै सिलिंखार जायो। बोथोर बिफाननि बायदिब्ला, फैगौ 24

घन्टयाव सा भारत आरो सा-सान्जाहाबो बोथोरनि गोहोमखौ नुनो मोनगोन। आइएमडिनि बुंनाय बायदिब्ला, दिल्ली-एनसिआरआव रबिबारसिमाव बारहुंखा आरो अखा हानो हागौ। दिनै दिल्ली एनसिआरआव गोख्रों सान्दु ओंखारगोन। इउपि,

बिहार आरो राजस्थाननि अनगायै गुबुन राइज्योफोराव बारहुंखा आरो अखाजों लोगोसे सार-अन्थाइ गोर्गलैनायनि सांग्रांथि फोसावो। बेनि अनगायै मध्य प्रदेश, छत्तिसगड्, झारखान्ड, केरल आरो कर्नाटकआवबो गोबां अखा हानो हागौ। पान्जाबनि माखासे जिल्लाफोराव थांनाय शुक्रवारखालि हिट वेबनि येल एलार्ट आरो शनिवारखालि अरेन्ज एलार्ट फोसावो। बे समाव हाद्रिजों बुंफवनाय बारहुंखा बारनो हागौ। बृहस्पथिबारखालि बटिन्डा आरो फाजिल्कायाव साननि बिदुङा बयनिखुइ बांसिनै 42.5 डिग्री सेल्सियसआव रेकर्ड खालामो। राजस्थानआ बे समाव दुंखावनायनि अलखदआव दङा।

गसाइगावनि जमदुवार बियाबाव गुबुन-गुबुन दोलोनिफ्राय इउपिपिएलआव हाबनायनि दोहौ

(□ 1 बिलाइनिफ्राय) थाखाय थांनाय माखासे सानफोर सिगानिफ्राय गोख्रोडै खामानि मावगासिनो थादों। बावैसो सिगां बिजेपि नागारनानै इउपिपिएलआव हाबनाय जमदुवार बियाबनि एमसिएलए रेवेरेवा नारजिहारि, गसाइगाव बिधान सभा बियाबनि एमएलए जिरन बसुमतारीजों लोगोसे दोलोनि गोबां दैदेनगिरिफोरा थांनाय माखासे सानफोर सिगानिफ्राय जमदुवार बियाबनि सिङव थानाय दाब-दाब गामिफोराव दाबबायहैनानै राइजो-राजाफोरनि जेना-जेंसिफोरखौ खौरां लानायजों लोगोसे दोलोआरि मेल खुंदों आरो दोलोआव थिसन्नाय हाबाफारि लाबोगासिनो थादों। दिनैबो फिन गसाइगाव बिधान सभा बियाबनि एमएलए जिरन बसुमतारी, एमसिएलए रेवेरेवा नारजिहारि आरो गसाइगाव जिल्ला इउपिपिएल दोलोनि आफादगिरि लकनाथ नार्जारीनि नुजाथिनायाव जमदुवार ब्लक इउपिपिएल दोलोनि बान्जायनायाव गलादाडि गामिआव मोनसे जयनिं

हाबाफारि लानाय जायो। जयनिं हाबाफारिआव ओनसोलनि माइनरिटि हारिनि गासै सा 150 नि बांसिन सुबुंफोरा इउपिपिएल दोलोनि खामानि मावनाय आरो आदर्शखौ मोजां मोन्नानै हाबफेयो। गुबुन-गुबुन दोलो नागारनानै इउपिपिएलआव गोदानै हाबफैनाय माइनरिटि हारिनि सा 150 नि बांसिन सोद्रोमाफोरखौ दिनै एमएलए जिरन बसुमतारी, एमसिएलए रेवेरेवा नारजिहारि आरो गसाइगाव जिल्ला इउपिपिएलनि आफादगिरि लकनाथ नार्जारीजों लोगोसे दोलोनि दैदेनगिरिफोरा फुलम गामसाजों इउपिपिएल दोलोआव बरायनानै लायो। बे जयनिं हाबाफारिनि लोब्बायैनो एमएलए जिरन बसुमतारीआ जमदुवार बियाबआव रावबो बेरेखा दोलोआ इउपिपिएलखौ गोहोम खोख्रैनो हाया होन्नानै बुंथियो। खौरां बिजोडव बिथाङ बुंथिबावोदि, प्रमद बर'नि दैदेनायाव इउपिपिएल दोलोआ बिटिआर सरकार दाजेन्नाय समनिफ्रायनो बिटिआर हालामनि मोनफ्रोमबो हारि-

हारिसाफोरनि थाखाय समान जौगाथाइ खामानि मावबोनायजों लोगोसे गोजोन थासारि गायसन्तो हादों। बिटिआर सरकारनि बेबायदि सुबुं सिबिथाइ आरो जौगालु खामानि मावनायखौ नुनानै दिनै बिटिआर नाडैनो गासै हारि-हारिसाफोरनि सुबुंफोरा इउपिपिएल दोलोखौ मदद होनो सिगांबोदों। थांनाय 4 खावसे बोसोराव इउपिपिएल दोलोनि दैदेनाय सरकारआ जैरेबायदि राइजो-राजाफोरनि थाखाय आरो ओनसोलनि थाखाय जौगानाय खामानि मावदों बेखौ नुनानै बिटिआरनि राइजो-राजाफोरा प्रमद बर'खौ फिन बिटिआरनि गाहाय मावफुं सोद्रोमा जाफिन्नायखौ हास्थायदों। राइजो-राजाफोरनि हास्थायनाय बायदिदै प्रमद बर'आनो फिन बिटिआरनि चिफ जाफिनगोना रोखा। गुबुन बियाबफोरजों लोगोसे फैगौ बिटिसि बिसायख'थियाव जमदुवार बियाबआव इउपिपिएल दोलोनि देरहानाया रोखा जागोन। मानोना बे बियाबआव बर'फोरनि अनगायै गुबुन-

गुबुन हारिफोरनि सुबुंफोराबो दासान्दि इउपिपिएलखौ मोजां मोन्नानै हाबफैगासिनो दं। बे खेबाव जमदुवार बियाबआव बेरेखा दोलोआ इउपिपिएलनि थाखाय जेबो गोहोम खोख्रैनो हानाय नङा होन्नानै गोख्रोडै बुंथियो एमएलए जिरन बसुमतारीआ। बे राफारसे गसाइगाव जिल्ला

4.9 मेगनिटुइट गोहोनि बांग्रिफोराव न'फोरनि सिङव थानाय बेसादफोरा गावसोरनि जायगानिफ्राय गोर्गलैनो हागौ। 5 निफ्राय 5.9 मेगनिटुइट गोहोनि बांग्रिफोराव, गिलिर बेसादफोर आरो फनिं चार फोरखौबो सोमावनो हागौ। 6 निफ्राय 6.9 मेगनिटुइट गोहोआव, बिलडिंनि बिथाया बायनो हागौ। 7 निफ्राय 7.9 मेगनिटुइट गोहोनि बांग्रिफोराव बिलडिंफोरा गोर्गलैनो हागौ। 8 निफ्राय 8.9 रिंगायाव, सुनामीनि खैफोद थायो आरो बांसिन खहा जायो। 9 एबा बेनि बांसिनाव, बयनिखुइबो गिख्रंथावसिन खहा जायो।□

मणिपुरनि बिष्णुपुराव मिरुआरि नख'र मन्थि आरो राइज्यो बैंगिरिनि मुसुखा सावदों

बिष्णुपुर, 23 मे : 48 घन्टनि बन्द'खौ मदत खालामग्राफोरा शुक्र बारखालि मणिपुर इन्ट्रिग्रेटिआव समान्थि कमिटि बन्द'नि जोबथा सानाव मिरुयारि नख'र मन्थि, मणिपुरनि गभर्नर, गाहाइ नेहाथारि, पुलिस गाहाइ आरो राइज्योयारि रैखाथि बोसोनगिरिनि मुसुखा सावयो। ककमिनि गावयारि सिबिथाइ, जेराव बांसिनै आइजोफोरा दंफायोमोन, बिसोरनि हान्जाया बिश्नुपुर बाजाराव बे दैदेनगिरिफोरनि आथिखालनि मासिनिफ्राय बिबान एंगलायनो दाबि दैखानानै मुसुखा सावयो। सोमावसारग्राफोरा मणिपुर आयदानि सायाव बिसोरनि सांग्रांथि गैयै खुंथाइनि जाहोनाव थाबैनो बिबान एंगलायनो दाबि दैखाडो। ककमिआ थांनाय 20 मेआव जानाय मोनसे जाथाय जर'खायै रैखाथि हान्जाफोरनि नायबिजिरनायनि हेंथायै धर्ना होनानै बन्द' खालामनो खावलायदोंमोन। बै सानाव

बांग्लादेश इन्टारिम सरकारनि गाहाइ महम्मद युनुसआ बिबान एंगलायनो हासिगौ

ढाका, 23 मे: न'सुंसे हादत बांग्लादेशआव फिन खेबसेबाव दावराव-दावसि सोमजियो आरो फिन खेबसेबाव खुंथायाव सोलायनायनि इसारा मोनगासिनो। हादतनि इन्टारिम सरकारनि गाहाइ महम्मद युनुसआ बिबान एंगलायनो हासिगौ। बांग्लादेशनि आथिखालनि थासारिखौ नोजोर होनानै युनुसआ बिबान एंगलायनो गोसो जानाय फोरमायदों। मोनसे रिपर्टनि बायदिब्ला, बिनि राजखान्थियारि पार्टिफोरजों लोगोसे गोरोबलायनानै खामानि मावनाया जेना गोनां जालांगासिनो दङ। बेनि गेजेरजों फरायसा दैदेनगिरि आरो नेशनल सिटिजेन पार्टिनि गाहाइ नाहिद इस्लामआ महम्मद इउनुसनि बिबान एंगलायनाय बाश्त्राखौ



लानानै जों फुंनिफ्रायनो बे खौरांखौ खोनागासिनो दङ होन्ना बुडो। बेनिखायनो बिजों बे आयदानि सायाव सावरायनो थादोंमोन। नाहिद इस्लामआ बुडोदि, महम्मद इउनुसआ बुडोदि, जेब्लासिम राजखान्थि दोलोआ सरासनस्त्रा गनार्यथिसिम सौहैया अब्लासिम खामानि मावनो हानाय नङा। बेनि सानसे सिगां बांग्लादेशनि सान्थि गाहाइ जेनेरेल वकार-

उज-जमानआ महम्मद युनुसनो गोख्रोडै सांग्रांथि होनानै दिसेम्बरसिमाव बिसायख'थि खालामनायनि आल्टीमेटम होदोंमोन। थांनाय बोसोरनि आगस्ट दानाव बांग्लादेशनि बै समनि गाहाइ मन्थि शेख हासिनाखौ बिबाननिफ्राय बोख्तायनाय आरो भारतआव खारबोनायनि उनाव महम्मद युनुसखौ इन्टारिम सरकारनि गाहाइ बानायदोंमोन।□



रैखाथि हान्जाफोरा गोब्राबै खौरांगिरिफोरनि थाखाय सरकारि जगायना होनाय गंसे गारिनिफ्राय मणिपुरनि मुंखौ बोखारना होयो, जाय शिरुइ लिलि फोर्बोंनि थाखाय

ग्लाल्टबो चेक पस्टनि फारसे थांगासिनो दंमोन। बे जाथाइनि सायाव हाबाफारि सालायग्राफोरा बेयो राइज्योनि सांग्रांथि गोनां के सफोर जर'खायै मिडियानि सोमोन्दै

दैदेनगिरिफोरनि गेजेरजों साबसिनै दैदेनायखौ दिन्थियो होन्ना बुडो। बेनि अनगायै ककमिआ बै दैदेनगिरिफोरखौ बिबान एंगलायनोबो दाबि दैखाडो।□

ट्राम्प खुंथाया गुबुन हादतआरिफोरनि हार्वर्ड इउनिभार्सिटियाव हाबनायनि इलिजिबिलिटिखौ होबथादों

वाशिंटन, 23 मे: मोनसे हाबाफारियाव ट्राम्प खुंथाया हार्वर्ड इउनिभार्सिटिनि हारिमयायारि फरायसाफोरनि हाबनायनि इलिजिबिलिटिखौ होबथादों। खुंथायनि बुंनाय बायदिब्ला, बियो हार्वर्ड मुलुगसोलों सालियाव हारिमयायारि फरायसाफोरनि हाबनायखौ होबथानो थाखाय गावनि मोन्थायखौ बाहायगासिनो दङ। खुंथाया मुलुग सोलोंसालिनो खौरां होयोदि, बियो हमलेन्ड रैखाथि बिफाननि गेजेरजों इउनिभार्सिटियाव सोलिबाय थानाय नायबिजिरनायनि



गेजेरजों बे थांखिखौ लादों। हमलेन्ड रैखाथि नेहाथारि क्रिस्टी नएमआ इउनिभार्सिटिनो गांसे लाइजाम लिहहरनानै बुडोदि, हारिमयायारि फरायसालिफोरखौ थिसन्नाय बिसोरनि गोहोखौ फोजोबना लाबाय। क्रिस्टी नएमआ गावनि बिफाननो

हार्वर्ड इउनिभार्सिटिनि फरायसा आरो नेम-खान्थि बायदि हाबाफारिखौ फोजोबनो बिथोन होयो। बे थांखिनि ओंथिया बेनोदि, हार्वर्डआ आथिखालाव हारिमयायारि फरायसाफोरखौ हाबहोनाय नंला।□

आन्डामान लैथोनि गोजौआव सान्न्वैनि थाखाय एआर स्पेसआ बन्द' थागोन

गोदान दिल्ली, 23 मे : भारतआ आन्डामान लैथोनि गोजौआव एआर स्पेस बन्द' खालामनो फोसावनायजों लोगोसे मोनसे नटाम फोसावदों। बेखौ माखासे गाहाइ ओन्सोलफोरनि थाखायल' फोसावनाय जादों। बे नटामआ 23 मेनिफ्राय 24 मेनि फुनि 7 रिंगानिफ्राय 10 रिंगासिम सोलिगोन। बे ओन्सोला गासै 500 किल'मिटर गोलाव आरो गासै गोजौ थाखोयाव नोगोरारिफोरनि उां जाहाजखौ बेन खालामनाय जादों। बेवहाय



मिसाइल एबा हाथियारफोरखौ वेस्ट खालामनो हागौ। भारतीय

अरटिसफोरनि फारसेनिफ्राय बावैसो सिगां फोसावनाय नटिस

टु एयारमेननि बायदिब्ला, जायखि जाया सिभिल

एभिएशनफोरखौ गोजौआव एआर स्पेस बाहायनो गनार्यथि होनाय जानाय जानाय नङ। नटामनि ओंथिया एयारमेननो नटिस होनाय। बे नटिसखौ पायलटफोरनो फोसावनाय जायो, जेराव बिसोरनो जानो हाथाव जेनानि सोमोन्दै खौरां होनाय जादों। जाहाथे ट्रेनिनि गेजेरजों जेबो रोखोमनि ख'हा जाया। मिबथि होनाय जायोदि, बिब्दि नटम फोसावनाया गिबि खेब जायाखै, बेनि सिगांबो गोबां खेब नटामखौ फोसावखांबाय।□

(□ १ बिलाइनिफ़्राय)

रुपहीआव दख 'रा एबसुनि बानजायनायाव सा ३४ गुन गोनां फरायसाफोरखौ मान बाउदों

आफादनि आफादगिरि कनक दैमारिनि आफादगिरि मासि सामलायनायाव खुंजानाय आरो गाहाइ नेहाथारि बिरसिं दैमारिआ सामलायनाय बराय मान बाउनाय आरो गेवलां मेलखौ जागायजेन्नायावनो बिटिआरनि कक्लाबारि बियाबनि एमसिएलए मन्तु बर'आ बेखेवनानै होयो। बर' सावथुन मुलुगनि फावखुंगुर-बिथोनगिरि फैला जे बरगयारीआ गाहाइ आलासि महरै, बिटिआरनि मावफुं सोद्रोमा रकेश ब्रह्मआ जर'खा आलासि महरै बिबुंधि लाखिनाय मेलआव एबसुनि बाक्सा जिल्ला आफादनि मावफुं नेहाथारि जतिन गयारि, सालबारि गोजौसिन गेजेरारि फरायसालिनि लोगो फोरेंगिरि पनिधर बसुमतारि, रुपही गुदि बर' थुनलाइ आफादनि आफादगिरि दैमालु केरकातारि, सामुहाथाइ बाथौ आश्रम गोजौ गेजेरारि फरायसालिनि गाहाइ फोरेंगिरि सत्रसिं बसुमतारि, बरमात्रा गोजौ गेजेरारि फरायसालिनि गाहाइ फोरेंगिरि मथुरा महन नार्जरी, जालाह गुदि सोलोंथाइ खोन्दोनि खोन्दो फुंखा सुबुं उमानन्द' बर', सालबारि सेइन्ट जेभियार इंसिल स्कुलनि बिथोनगिरि नबिन गयारी, सामुहाथाइ गेजेर इंगरी फरायसालिनि गाहाइ फोरेंगिरि निलाम्बर बर'मोनजों लोगोसे माखासे जर'खा सुबुंफोरा हांखाय जानाय आलासि महरै बाहागो लाफैदों। मख'नो गोनांदि मेलआव बावैसो फोसावजानाय गोजौ गेजेरारि सोलोंथाइ आन्जाद आरो गोजौसिन गेजेरारि फाइनाल आन्जादआव रुपही ओनसोलनिफ्राय आन्जाद लिरनानै गुन गोनाडै उश्त्रिनाय गासै सा ३४ फरायसाफोरनो मानबिलाइ, आर'नाइजों बराय मान बाउनाय जादों। गोजौसिन गेजेरारि फाइनाल आन्जादनि बिगियान दालाइआव गुन गोनाडै उश्त्रिनाय सा ११ फरायसाफोर, आरिमु दालाइआव गुन गोनां उश्त्रिनाय सा १० फरायसाफोर, कमार्च दालाइआव गुन गोनाडै उश्त्रिनाय सा २ फरायसाफोर आरो गोजौ गेजेरारि सोलोंथाइ आन्जादआ गुन गोनाडै उश्त्रिनाय सा ११ फरायसाफोरखों लोगोसे गासै सा ३४ गुन गोनां फरायसाफोरखौ एबसुनि रुपही दख 'रा आफादनिफ्राय बराय मान बाउदों।□

बर' कछारी अनसाय गाव हायुडारि खुंथाइनि हेफाजाबजों हरिमुवारि जौसां लुफुंनायनि अन्थाइ खाम्फा गाइसन्दों

मिहिनेस्वर बसुमतारीआ फोरमायदोंदि, सिमेन सापरी एसबि बड' गोजौ गेजेरारि फरायसालिनि गेलेग्रा फोथाराव थानाय हारिमु जौसांआ फिसा जानायनि थाखाय गोबां जेंना नुजानायनि जाउनाव ओनसोलनि माहारियारि आफादफोरजों मोजां सावरयनानै हारिमु जौसांखौ गुवार खालामनो आरो मोजांसिन खालामनो थाखाय बे हरिमुवारि जौसांखौ लुफिन्नाय जादों होन्नानै फोरमायो। बिथाड फोरमायनाय बायदिक्ला, बे हरिमुवारि जौसांखौ बर' कछारी अनसाय गाव हायुडारि खुंथाइनिफ्राय ८७ लाख रां बाहायनानै लुफुंना होनाय जागोन होन्नानैबो बिथाड फोरमायो। दिनैन बे अन्थाइ खाम्फा गाइसन्नाय हाबाफारियावनो गाहाय मावफुं सोद्रोमा मिहिनेस्वर बसुमतारीजों लोगोसे मिसिं अटनमास काउन्सिलनि बारग' मावफुं सोद्रोमा मलेन्द्र नार्जरी, जनाय आइटिडिपि बर्डनि मासिगिरि फैलाव मुसाहारि, बिटिआरनि बायजोनि बारग' बिएलटि अनसाय आफादनि गाहाय नेहाथारि बिस्थिराम नार्जरी, बोखावजायै लक्षिमपुर जिल्ला बारग' बिएलटि अनसाय आफादनि आफादगिरि सानसुमा बसुमतारी, डेमाजि जिल्ला खौसेथि बर' सुबुं आफादनि आफादगिरि राथिराम बसुमतारी, मिरु खौसेथि बर' सुबुं आफादनि नेहाथारि प्रानजिथा बर'जों लोगोसे गुबुन गुबुन माहारियारि आफादफोरनि दैदेनगिरिफोराबो बाहागो लादोंमोन। □

१ नं वनरगाव ब्लक बिपिएफनि मावखुलि बेखेवनायजों लोगोसे जयनिं हाबाफारि

मावगासिनो थादों वनरगाव बियाबनि बिपिएफनि दैदेनगिरि-मावथिफोरा। बेबायदिनो फैगौ बिटिसि बिसायख'थिनि थाखाय खामानि मावनायाव साबसिन खाबु जानाय बायदियै दिनै चन्द्रपाराआव वनरगाव ब्लक बिपिएफनि मावखुलिजों लोगोसे साखाथियावनो धावलिगुरि प्राइमारिनि मावखुलिखौबो बेखेवनाय जायो। फैगौ बिटिसि बिसायख'थिनि थाखाय बिपिएफ दोलानिफ्राय बिजाथिनि दाबिदार कुमुद चन्द्र नार्जरीआ दिनै वनरगाव ब्लक आरो धावलिगुरि प्राइमारिनि मावखुलिखौ गोजा फिथा हास 'नानै बेखेवनानै होयो। हाबाफारि बायदियै फुंबिलि समाव १ नं वनरगाव बियाबनि सिडव थानाय गुबुन-गुबुन ओनसोलनिफ्राय बिपिएफनि गोबां दैदेनगिरिफोर, सोद्रोमाफोर आरो हेफाजाबगिरिफोरनि बाहागो लानायजों आफादनि गोथार फिरफिलाखौ बिस्होयो। फिरफिला बिस्होनायनि उनाव दोलोनि दैदेनगिरिफोर माखासे दोलोयारि बाश्राफोरखौ बुंथिना होनायनि उनाव गोदानै फसंनाय ब्लक अफिस आरो प्राइमारि अफिसखौ बेखेवनाय जायो। मावखुलि बेखेवनायनि उनाव दोलोनि दैदेनगिरि आरो मावथियारि हेफाजाबगिरिफोरखौ लानानै फैगौ बिटिसि बिसायख'थिनि थाखाय १ नं वनरगाव बियाब हिसाबै बिपिएफ दोलोआ मबायदियै खामानि मावनायनि गेजेरजों बोलोखौ गोखों खालामनो हागोन आरो बिसायख'थियाव माबोरै देरहासार जानो हागोन बेनि बागै मोनसे सावरय मेल लानाय जायो। सावराय मेलाव वनरगाव ब्लकनि आफादगिरि आरो गाहाय नेहाथारिजों लोगोसे फैगौ बिटिसि बिसायख'थिनि थाखाय वनरगाव बियाबाव बिजाथि हास्थायोब्ला कुमुद चन्द्र नार्जरीआ बिबुंधि लाखिनायनि गेजेरजों दोलोनि दैदेनगिरि आरो सोद्रोमाफोरखौ बिसायख'थिनि थाखाय गोखों खामानि मावनो खावलायो। बे सावराय मेलनि गेजेरजोंनो दिनै इडपिपिएल आरो बिजेपिजों लोगोसे गुबुन-गुबुन राजखान्थि दोलानिफ्राय सा १०० निबो बांसिन सोद्रोमाफोरा बिपिएफ दोलोआव हाबफैयो। दिनैन बे हाबाफारिनि गेजेरजों कुमुद चन्द्र नार्जरीआ खौरां बिजोंनि गेजेरजों वनरगाव बियाबाव बिपिएफ दोलोनि देरहानाया रोखा होन्नानै फोरमायथियो। बिथाड बुंबावोदि, १ नं वनरगाव बियाबाव बिपिएफ दोलोआ सिगांनि ४ थि खेब बिटिसि बिसायख'थियाव देरहाबोबाय थानो हादों। बे बियाबाव दासिम गुबुन रवबो दोलोआ देरहानायनि रेकर्ड गैया। बेनिखायनो फैगौ बिटिसि बिसायख'थिआवबो बिपिएफ दोलोनि बिजाथियानो देरहासार जागोन। मानोना वनरगाव बियाबाव दासिम बिपिएफ दोलोया ७० जौखोन्दो भटारफोर दं होन्नानै खौरां बिजोंनि गेजेरजों फोरमायो बिजाथि दाबिदार कुमुद चन्द्र नार्जरीआ। □

गसाइगाव बिएड फरायसालिमायाव माहारियारि थाखोनि सावराय जथुम खुंदों

होयो। सावराय जथुमखौ बेखेवनानै बसुमतारीआ आथिखाल समाव फरायसालिनि फरायसाफोर, बिफा-बिमाफोर, फालांगिरि एबा सरासन्त्ता सुबुंफोरनि अनगायैबो मोनफ्रोमबो बिथिडवनो गोसोआरि नारसिनथाइ एबा नारसिनथाइ मोनदांथिनायखौ नुनो मोनो होन्ना बुडो। बे बिथिडव गसाइगाव बिएड फरायसालिमाया खुंनाय सावराय जथुमनि गेजेरजों फरायसाफोर, बिमा-बिमा आरो फोरेंगिरिफोरा जोबोद मुलाम्फा जागोन होन्ना मिजिंथियो। बसुमतारीआ आरोबाव बुंलेंदि, गोसोआरि नारसिनथाइखौ सामलायनाया जायखि जाया बेसेन गोसा नडा। बेयो जौनि गोजोन आरो गहाम जिउनि थाखाय मोनसे गोनांथिनि आयदा होन्ना बिथाड बुंदों। जों गावनि गोसोखौ जेब्लायबो सामलायनो हाया, नाथाइ जौनि हेफाजाब होनाया गुवुैयै सामलायनो हायो। बेनि थाखायनो गासैबो बिथिडवनो सिगांलांनो थाखाय जों मोनसे गोग्गो आरो राफोद जिउ दानायाव गोसो होनो बयखौबो खावलायो। गसाइगाव बिएड फरायसालिमानि गोरायुं ३७ अजित बर'नि सामलायनायाव खुंजानाय 'गोसोआरि नारसिनथाइनि सामलायथाय आयदा फारिनि माहारियारि थाखोनि सावरायमेल जथुमाव फुंखा सुबुं महरै अरुनाचल प्रदेशनि राजिब गान्धी मुलुग सोलोंसालिनि प्रफेसार एण्ड डिन ३७ जयादेब साहु आरो गुवाहाटी मुलुग सोलोंसालिनि सोलोंथाइ बिफाननि आजिरा मोन्नाय प्रफेसार निलिमा भागबतिमोनहा बाहागो लाफैनानै फरायसा आरो बाहागो लानायफोरजों बाश्रा सावरायलायो आरो गोसोआरि नारसिनथाइ एबा गोजोन गैयैजों भुगिनानै थाया जासे माबोरै गावखौनो थांखि मोनफुंनायनि बिथिडव सिगांलांनो हायो बेनि सोमोन्दै गुवारै सावरायलायो। गासै सा १५० निखुइ बांसिन ट्रेनिआ बाहागो लाफैनाय सावराय जथुमाव फरायसालिमानि लेडाय गोरायुं ३७ जेनि्त सापरआ नुजाफैनाय हाखायहरजानाय आलासिफोरखौ साबायखर बाउनानै हामलायथि बाउहरो।□

सालबारिनि जाकिलिबिल फोथाराव

सिनायथिनो मोनै सुबुंनि गोथै सह' बोखांदों

भबानिपुर, २३ मे: सालबारि महखुमानि सिमलागुरि पुलिस बादानि सिडव थानाय जाकिलिबिल पथार गामियाव सासे सिनायथिनो मोनै सेंग्रानि गोथै सह' बोखांनो मोन्नायखौ लानानै ओनसोलआव गोखों सोमोनांनाय सोमजिदों। मख'नो गोनांदि, थानाय हरग जाकिलिबिल पथार गामिनि आबादथिलिनि फुखि्रयाव गोथै सह'खौ जायगानि राइज्यो रजाफोरा नुनो मोनदोंमोन। जायनि उनाव राइज्यो राजाफोरा पुलिसनो फोरमायहरनायनि उनाव गोथैसालियाव पुलिसआ फैनानै जायगानि राइज्यो रजाफोरनि हेफाजआवव पुलिसआ गोथै सह'खौ बोखाडो। बोखांनो मोन्नाय गोथै सह'खौ गासै ३०/३५ बोसोर बैसोनि होन्नानै मिजिंथिनाय जादों।५ फुट ६ इन्सि गोजौ गोथै सह'आ गोसोम गाबनि हाफ पेन्ट आरो स्पर्टि गानदोंमोन। खौरां सुजुनायसिमाव पुलिसआ गोथौ सह'खौ सिनायथिनो हायाखै।□

(□ १ बिलाइनिफ़्राय)

कक्राझार जिल्ला मावफारिया गौथुमनि गोदान आफादखौ दाबाय

हांखायहरजानाय आलासि महरै बाहागो लाफैनाय मिरु आफादनि जुथाइ दैदेनगिरि उत्तपल दास आरो मावफुं सोद्रोमा नब'जित शर्मामोनहा नोजोरगिरि महरै बाहागो लाफैनाय मेलआव गोदान आफादखौ दानाय जायो। कमल देबनाथखौ आफादगिरि, बेबि पाटकखौ गाहाइ नेहाथारी, अभिजित मण्डलखौ रांगिरि महरै गासै सा ४१ सोद्रोमानि कक्राझार जिल्ला मावफारिया गौथुमनि मावफुं आफादखौ दानाय जायो। गोदानै बिसायख' जानाय मावफुं आफादनि साफ्रोमबो बिबानगिरिफोर आरो सोद्रोमाफोरखौ गोदान आफाद दाफुंजानायनि उनावनो थानाय बृहस्पतिबार खालि बेलासियाव कक्राझार बेसिक ट्रेनि चेन्टारनि मेल जथुमसालियाव कक्राझार जिल्ला मावफारिया गौथुमनि फैगौ २ बोसोरनि थाखाय समायखिरा लानाय हाबाफारिखौ खुंनाय जादों। मेलआव आफादगिरि मासि सामलायदों कक्राझार जिल्ला मावफारिया गौथुमनि बारग' आफादगिरि अशक कुमार महन्त'आ। कक्राझारनि उकिल ऋतुपर्ना मजुमदारआ गोदान आफादनि सोद्रोमाफोरनो समायखिरा लानायखौ फरायथियो। मेल जोबनायनि उनाव बिदाय जानाय आफादगिरि अशक कुमार महन्त'आ गावनि बिबुंधियाव गावनि मावफुं समाव हेफाजाब होनाय साफ्रोमबो सोद्रोमाफोरखौ साबायखर बाउबो।□

सालबारिनि मायंपारायाव जुलि जानाय सासे आइजोआ गोमादों

दुखुनि थासारि सोमजिहोदों। मखनो गोनांदि, मायंपारा गामिनि महेन्द्र बसुमतारीनि जुलि जानाय फिसाजो माजनी बसुमतारी (स्वर्गीयारी)आ थानाय २१ मे अक्ट' खालि साननि २:०० रिगासोनिफ्राय गोमानानै दड' होन्ना दिनै बिफा महेन्द्र बसुमतारीआ बाहवारि पुलिस बादायाव गांसे केस थिसनो। मायंपारा गामिनि महेन्द्र बसुमतारीनि फिसाजो माजनीआ उदालगुरि जिल्ला पानेरिनि थागिरि थानेस्वर स्वर्गीयारीजों जुलि जादोंमोन। थानाय माखासे सान नाडै माजनी बसुमतारी (स्वर्गीयारी)आ गावनि फिसाइ धनेस्वर स्वर्गीयारी आरो गावनि सासेल' ३ बोसोर बैसोनि फिसाजोजों लोगोसे मायंपारायाव थानाय बिफानि न'आव दंफैयोमोन नाथाइ थानाय २१ मे अक्ट'खालि साननि २:०० रिगानिफ्राय सोमोनांथावै माजनी बसुमतारी (स्वर्गीयारी)आ गोमानायाव ओनसोल नाडै गोखों सोमोनांनाय आरो दुखुनि थासारि सोमजिदों। मख'नो गोनांदि, माजनीआ मबाइल फनखौ मायंपारानि बिफानि न'आवनो दोनबोनानै गोमानानै दडः। खौरां सुजुनायसिमाव गोमानानै थानाय आइजोनि जेबो खौरां मोन्नाय जायाखै।□

माजबातआव बिजेपिनि पासनै मण्डल आफादनि बान्जायनायाव जर'खा आफादारि मेल खुंदों

बापुजी बिथांखि मेल जथुमसालियाव मोनसे जर'खा आफादारि मेल खुंनाय जादों। मेलखौ मण्डलनि आफादगिरि जिबन देकानि आफादगिरि मासि सामलायनायाव खुंनाय जायो। मेलआव बिजेपि राइज्योयारि आफादनि मावफुं सोद्रोमा जितु किषान, पासनै सेरफां गौथुमारि बियाबनि एमसिएलए दिफक मोर, जिल्ला बिजेपिनि लेडाइ आफादगिरि कासमती गौड, मण्डलनि साफ्रोमबो बिबानगिरि, गागि मावफारिया, भिसिडिसिनि मासिगिरि-लेडाइ आफादगिरिमोनहाबो जर'खा आफादारि मेलआव बाहागो लाफैनानै दोलोनि जौगाखांनाय आरो गोखों जानायनि सोमोन्दै गुवारै सावरायलायो।□

तामुलपुराव गेदेस्थार त्रिरंगा यात्रा आयदा फारिनि लामा हानजा सुरदों

जाफुंसारनाय भारतारि सान्त्रीनि जाफुंसारनायाव साबायखर बाउनायजों लोगोसे सान्त्रीनि गोसो थुलुंगाखांनायखौ बांहोनायनि थाखाय तामुलपुराव दिनै बेलासियाव मोनसे गेदेस्थार त्रिरंगा यात्रा (फिरफिला दावबायनाय) मुंजों लामा हानजा सुरनाय हाबाफारि खुडो। तामुलपुर जिल्लानि सांघ्रां आफाद आरो जिल्ला बिजेपिनि बानजायनायाव जिल्ला सदरनि रूंसारि लेहराम बर' फोथारनिफ्राय त्रिरंगा यात्राआव ३ रोजानिफ्रायबो बांसिन राइज्यो-रजाफोरा आखाइआव फिरफिला लानानै पाकिस्तान मुर्दाबाद, उदखारिफोरखौ हेफाजाब होनाय पाकिस्तानआ सिलिंखार जाथों, भारतारि सान्त्रि जिन्दाबाद, नरेद्र मडि जिन्दाबाद, भारत बिमानि जै बायदि स्त'गानजों तामुलपुर सहर नाडैनो गोमखांहोदों। तामुलपुर जिल्ला सदरनि गेजेरजों गासै ५ किल'मि्टार लामा दावबायनाय दिनैन बे त्रिरंगा यात्रायाव तामुलपुरनि जिल्ला बिजेपिनि आफादगिरि भिक्तर कुमार दास, बिटिआरनि मावफुं सोद्रोमा धर्म नारायण दास, सेन्द्र नार्जरी, एमसिएलए बिजित गोरा नार्जरी, सायख' जानाय एमसिएलए हेमन्त' कुमार राभा, तामुलपुर जिल्ला बिजेपिनि गाहाइ नेहातारि राजेस बर आरो लक्ष्मी दासजों लोगोसे तामुलपुर जिल्ला बिजेपिनि दैदेनगिरि –मावफारियाफोरा बाहागो लाफैदों।□

मिरु एबसुआ ‘१९ थि कमल कुमार ब्रह्म देरहासाद बान्था–२०२५’ खौ टप–१० फरायसाफोरनो गथाइबाय

थांखिखौ बेखेवनानै होयो दुलाराय बर' फरायसा आफादनि आफादगिरि दिपेन बर'आ। बर' बिजोंजों फरायनानै १९ थि कमल कुमार ब्रह्म देरहासाद बान्थानि थाखाय टप–१० आव जायगा आवग्रिनो हानाय फरायसाफोरनो हामलायथि जासिनानै बिसोरनि इयुन सोलोंथाइया जाफुंसार जानांगेनि मिजिं लानानै एबसुनि आफादगिरि दिपेन बर'आ गावनि बिबुंधियाव फरायसाफोरखौ थांखिनानै इयुनआव साफा–साफा सुबुं सम्पद जाहैनो हानाय बायदि गोब्राब खस्थ' खालामनायनि गेजेरजों गावनि थांखिसिम सहैनो आरो गुन गोनां सोलोंथाइ लानो सुबुरुन होयो। लोगोसे गावनि बिबुंधियाव बर' हारिखौ जौगाहोनो थाखाय जौनि फरायसाफोर गुन गोनां सोलोंथाइ लाथारनांगोन होन्नानै फोरमायबावो एबसुनि आफादगिरि दिपेन बर'आ। दिनैन बान्था गथायनाय हाबाफारियाव गाहाइ आलासि महरै बाहागो लाफैयो आसाम राइज्यो फरायसालि सोलोंथाइ बर्डनि मासिगिरि रुक्म गहाइ बरुवाआ। हाबाफारियावनो जर'खा आलासि महरै फरायसाफोरनि गेजेराव बेसेन गोसा बिबुंधि लाखियो नुनमाति गुवाहाटी आसाम जातिय बिद्यालयनिफ्राय फारियै बिथोनगिरि दिलिप कुमार दत्त चौधुरी, गोरायुं गनस्याम मेधि आरो सोलोंथाइ मावख'गिरि रहनि गस्वामि बिथांमोनहा। हाबाफारियावनो माननि आलासि महरै बाहागो लायो बर' थुनलाइ आफादनि नेहाथारि बिनय कुमार नार्जरी, गोरेस्वर फरायसालिमानि गोरायुं प्रनब मेधि बिथांमोनहा। मख'नाय जायोदि, देरलायनि मेट्रिक आन्जादआव बर' बिजोंजों फरायनानै मिरु एबसुनिफ्राय होनाय १९ थि कमल कुमार ब्रह्म देरहासाद बान्था मोन्नो हानाय टप–१० फरायसाफोरा जादों फारियै– १ थि सारिआव नयन मनि बर' (१३.५जौखोन्दो), २ थि सारिआव हायुंसा बसुमतारी (११.१७ जौखोन्दो), ३ थि सारिआव मिथिसार स्वरगियारि (१०.६७ जौखोन्दो), ४ थि सारिआव गोजोन बर' (१०.५ जौखोन्दो), ५ थि सारिआव साथाम फारियै–रिमजिम बसुमतारी (८९.८३ जौखोन्दो), भानुप्रिया ब्रह्म(८९.८३जौखोन्दो) आरो निजोम गोर बर' (८९.८३ जौखोन्दो), ६ थि सारिआव अलंबार बर' (८९ जौखोन्दो), ७ थि सारिआव भिसन कुमार बर' (८८.८३ जौखोन्दो), ८ थि सारिआव ब्रजेन बर' (८८.६७ जौखोन्दो), ९ थि सारिआव सानै फारियै– जौफुं बसुमतारी (८८.५ जौखोन्दो) आरो सिल्फा ब्रह्म (८८.५ जौखोन्दो) आरो १० थि सारिआव सनद्रिका रानि औवारि (८८.३३ जौखोन्दो)। टप–१० आव जायगा आवग्रिनो हानाय बिसोर सा १३ फरायसाफोरखौ बरायनायजों लोगोसे दिनै दुलाराय बर' फरायसा आफादनिफ्राय १९ थि कमल कुमार ब्रह्म देरहासाद बान्थाखौ गथायनाय जायो।□

राइजिं नर्ट इस्ट शमितआव गाहाइ मन्थि नरेन्द्र मदिआ बाहागो लादों

गाहाइ मन्थि नरेन्द्र मडिआ बुंदोंदि, सा–सानजा आथिखालआव भारतनि जौगाखांनायानि इन्जिन जाबाय। सा–सानजानि दरफ्रोमबो राइज्योनि जौगाखांनायनि थाखाय थांखि आजावना लानाय जादों। इनभेस्टमेन्टनि थाखाय दरफ्रोमबो राइज्योआ थुलुंगा खानायजों बाहागो लाफैदों। भारत मण्ड'पमआव गाहाइ मन्थि मदिआ बुंदोंदि, दिनै आं राइजिं नर्ट इस्ट इनभेसस्ट्रै शामितनि बे जौसाडव बाहागो लानो मोन्नानै गावखौनो गोग्गानाय मोनदांथिदों आरो गावनि आंगोनि मोनदांथिदों। बेयाव मोनसे आंगोनि सान्नाय हनाय दडः। लोगोसेनो बयनिखुइबो गोनांथार बाश्राया जाबाय इयुननि फारसे सिमना गैयै फोथायनाय दडः। गाहाइ मन्थि नरेन्द्र मदिआ बुंदोंदि, माखासे दानल'नि सिगाडव बेयाव भारत मण्ड'पमआव अष्टलक्ष्मी फोबों फालिदोंमोन। दिनै जों बेयाव सा–सानजानि थाखाय इनभेस्ट्मेन्टनि हाबाफारि खुंदों। बेयाव माखासे अनजिमानि उद्यगिरि दैदेनगिरिफोरा बेयाव फैदों। बेनिफ्राय नुनो मोनोदि, बयबो सा–सानजानि फारसे थुलुंगा खानाय, गोसो जानाय आरो गोदान सिमां नुदों। भारतआ मुलुगनि गेजेरावनो बयनिखुइबो बायदि रोखोमजों बुंफबनाय हादर होन्ना बुंनाय जायो। जौनि सा–सानजाआ बे बायदि रोखोमजों बुंफबनाय हादरनि बयनिखुइबो बायदि रोखोमनि बुंफबनाय बाहागोआव दडः। फालांगिनिफ्राय दोरोडारिसिम, जि–जोम आरिमुनिफ्राय दावबायारिसिम सा–सानजानि डायभारसिटिआ बेनि बयनिखुइबो गेदेत गोहो जादों होन्नानै गाहाइ मन्थिआ गावनि बिबुंधियाव मख'दों। गाहाइ मन्थि नरेन्द्र मदिआ गावनि बिबुंधियाव सा–सानजानि जौगाखांनायनि सोमोन्दै सावरायलायो। बिथाड बुंदोंदि, दरसे गोजौ थाखोनि भारतखौ सोरजिनायनि थाखाय सा–सानजा भारतनि जौगाखांनाया जोबोद गोनांथार। सा–सानजाआ जाबाय सानजा भारतनि बयनिखुइबो गोनांथार बाहागो। जौनि थाखाय इस्ट (सानजा)नि ओंथिया इमपावार,एक्ट, स्ट्रें आरो ट्रेस्पर्म। गाहाइ मन्थिआ बुंदोंदि, सानजा भारतनि थाखाय जौनि सरकारनि बेयो मोनसे खान्थि। जौनि मिरु सरकारनि मन्थिफोरा खेब ७०० निखुइ बांसिन सा–सानजाआव दावबायहैबाय। मख'नो गोनांदि, बे हाबाफारियावनो जारिमिनखौ गोसोखांनानै गाहाइ मन्थिआ बुंदोंदि, मोनसे समआ सा–सानजाजों बमा, हाथियार आरो सोमावसारनायनि मुंजों लोब्बा जानानै दंमोन। बेनि थाखाय बेयाव थानाय सेंप्रा–सिख्लाफोरा गोबां खहाजों मोगा–मोजि जानांदोंमोन, बिसोरो गोबां खाबुफोरखौ खोमानांदोंमोन। नाथाइ जौनि सान्नाय हनाया सा–सानजानि सेंप्रा सिख्लाफोरनि इयुनखौ लानानै थांखि आजावदों। बेनि थाखाय जों मोनसेनि उनाव मोनसे गोजोन बादायाव मुंसायदों। लाइमोन जौलेखौ जौगाखांनायनि गुवुै दाहारसिम फैनायनि खाबु होदों। थानाय १०–११ बोसोराव १० रोजानिखुइ बांसिन सेंप्राफोरा हाथियार नागरनानै गोजोननि लामाखौ सायख'ना लादों।□

अल्तारनेटिभ पार्टि अफ बर'लेण्डनि मुसलपुर जिल्ला आफाद दाबाय

पार्टि अफ बर'लेण्ड राजखान्थि दोलोआबो फैगौ बिटिसि बिसायख'थियाव गोखोडै बाहागो लानायनि थांखिजों दासान्दि थाद'नाय गैयै बिटिसिनि गासै बियाबफोरावनो खामानि मावगासिनो थानायखौ नुनो मोनदों। बे असिलायैनो बाक्सा जिल्लानि सदर मुसलपुरआव अल्तारनेटिभ पार्टि अफ बर'लेण्डआ दिनै रबिन बर'नि आफाद सामलायनायाव मोनसे गेवलां सावराय जथुम्मा खुंनायनि गेजेरजों मुसलपुर जिल्ला अल्तारनेटिभ पार्टि अफ बर'लेण्डखौ आबुडै दाफुंना लानायखौ नुनो मोनो। मुसलपुर जिल्ला अल्तारनेटिभ पार्टि अफ बर'लेण्डनि जिल्ला आफादगिरि महरै पुकन उजिरखौ सायख'जाला जायो आरो मृदुल बर'खो (एडमिनिस्ट्रेटिभ) आरो सिलाराय उजिरखौ (अर्गेनयजेसन) गाहाइ नेहाथारि महरै सायख'नानै गासै सा ४५ सोद्रोमाफोरनो गुबुन-गुबुन बिबान होनानै जिल्ला आफादखौ दाफुंनानै लानाय जायो। बे हाबाफारियावनो दोलोनि आफादगिरि ३ अनजलि दैमारिआ बाहागो लानानै गावनि बिबुंधिनि गेजेरजों फोरमायोदि, फैगौ बिटिसिनि बिसायख'थिआव दोलो महरै अल्तारनेटिभ पार्टि अफ बर'लेण्डआबो बाहागो लागोना रोखा नाथाय बेसेबां बियाबाव बिजाथि फसंगोन बेनि सायाव दासिमबो रोखा जायाखै। बबेखानि दोलोनि दैदेनगिरिफोरजों सावरायनायनि गेजेरजों बिजाथि फसंनायनि सायाव थिरांथा लागोन होन्नानै फोरमायो। ३७ दैमारिआ दोलोनि लोगोयारि सोमोन्दै खौरांगिरिनि सोंनायनि सोंथियाव फोरमायबावोदि, अल्तारनेटिभ पार्टि अफ बर'लेण्डआ बबे दोलोजों गोरोबनानै बिसायख'थि गेलेगोन बेनि थाखाय सावरायथ'नाय जायाखै। मानोना बिटिसि बिसायख'थिया दासिम माखासे दानफोर सम दंबावो। उननि समाव बेनि थिरांथाया जागोन। बिजेपि दोलोया बिटिसि हालामखौ दखल खालामनो नाजानाया दुखु गोनां। मानोना आथिखालाव बिजेपिआ मिरु आरो राइज्योआवबो सरकार सालायगासिनो। बेनि उनावबो जिउ थै बावसोमनानै मोन्नाय फिसा काउनसिलखौ मानो एसेबां नोजोर होदों बेयो जौनि थाखाय दुखु नांथाव। जों ६ थि हारिनि गेजेरजों फिसा गावखुंथाइखौ खुंनो खाबु मोनदों। बेखौ मदद होनांगौसो नाथाय बेनि सोलायै बिथांमोना दिनै बिटिसिखौ दखल खालामनो नागिरदों बेयो जौनि थाखाय दुखु नांथाव होन्नानै ३७ अनजलि दैमारिआ फोरमायो। खौरां बिजोडव एबसुनि आफादगिरि डिपेन बर'आ बिजेपि दोलोयाव हाबगोननि खौरां ओंखारनायनि सोंथियाव बिथाड थोंजोडै फिन्नाय होयोदि, बेनि सायाव दासिम मोजां खौरां मोन्नाय जायाखै आरो राजखान्थियाव हाबनाय हाबैया गाव–गावनिसो बाश्रा होन्नानै फोरमायबावो। दिनैन बे हाबाफारियावनो अल्तारनेटिभ पार्टि अफ बर'लेण्डनि मिरु मावफुं सोद्रोमा रनिधर स्वरगियारि, लंकेस्वर बसुमतारी, अनन्त ब्रह्म, अनिल बर' बिथांमोनजों लोगोसे गुबुन-गुबुन ब्लक आरो प्राइमारि थाखोनि दैदेनगिरि, सोद्रोमा, मावथिफारि आरो हेफाजाबगिरिफोरा बाहागो लानायजों हाबाफारिया जाफुंसारै जोबलाडो।□

माहाम देहानि राहा

मारवासे सुबुरुन आरो राहाजों भिटामिन-डीनि आरवालरवौ फोजोबनो हायो

जुदि भिटामिन-डीनि आंखालखौ गोबाव समसिम सुफुंनाय जायाब्ला गोबां सावस्त्रि जेंनाफोरजों मोगा-मोगि जानो हागौ। बे भिटामिननि आंखालखौ फोजोबनो थाखाय भिटामिन-डीजों बुंफबनाय जाग्रा आदार जानो हायो एबा बे आंखालखौ फोजोबनो थाखाय एसे समनि थाखाय सानदुखव जिरायना थानो हायो। भिटामिन-डीनि आंखाला बेगें आरो मोदोम-रोदायाव गाजि गोहोम खोख्लैतो हागौ। बेनि आंखालआव अस्टिय'मेलेसिया जानो हागौ। अस्टिय'मेलेसियाआ मोनसे थासारि, जेराव बेगेंफोरा गुरै आरो लोरबां जायो। भिटामिन-डीनि आंखालनि थाखाय, मोदोम-रोदायाव लोरबांथि मोनो हागौ, जाय सानायनिबो जाहोन जानो हागौ। जुदि देहायाव




भिटामिन-डीनि थाखोआ मख'जाथाव गाहायाव फैयोब्ला गोजौ थै नारसिनथाय आरो दाइबेटिस बायदि बेरामफोरनि जाथावनायाबो बांनो हागौ। बेनि ओंथिया बेनोदि भिटामिन-डीनि आंखाला गिथावना आरो जिउ-खेफोद गोनां बिखाजों सोमोन्दो गोनां बेरामफोरनि खेफोदखौबो बांहोनो हागौ। बिखानि गोखों सावस्त्रिखौ मोजाडै लाखिनो थाखाय जेसेबां हायो एसेबां थाब भिटामिन-डीनि आंखालखौ सुफुंनाया जोबोद गोनांथार।

भिटामिन-डीनि आंखालखौ फोजोबनो थाखाय सान्दुखव जिरायनायाल' थोजासे नड। बे भिटामिननि आंखालनिफ्राय रैखा मोनो थाखाय माखासे बेसादफोरखौ गावनि आदाराव सोफानांगौ। गायखेर लोंनाया भिटामिन-डीनि आंखालखौ फोजोबनायाव मदत होयो। कमलायाव गोबां बिबांनि भिटामिन-डी थायो। मैखुन आरो दावदैफोरखौ थार बिबां भि ट ा मि न नि न आंखालनिफ्रायबो रैखा मोनो हागोन।

मुंदांखा फावरखुंगुर भिजय सेतुपतिनि 'एस' सावथुनआ सिनेमा हलफोराव रिलिज जाबाय

महारजानि उनाव फिन खनसेबाव भिजय सेतुपतिआ सिनेमा हलफोराव नुजाथिबाय। बे खेबाव बिथाड फिन बल्ड कन्नन जानानै गिदिर पर्दाआव एन्ट्रि लादों। सावथुना 23 मेआव सिनेमा हलफोराव रिलिज जाबाय। भिजय सेतुपतिआ 2025 नि जागायनायखौ एक्सन, कमेडि आरो र्मान्सजों जागायदों। बेयो बे मोन्थाम जनारखौ जयै लाबोनो हानाय सावथुन, जायनि ट्रेलारआ सुबुंफोरनि गेजेराव एक्साइटेडखौ गोबां बांहोदोंमोन। बोसोरनैयावनो बानाय जानो हानाय तामिल सावथुन एसखौ अरुमगा कुमारआ दिहुन्दों। सिनेमाहलफोराव रिलिज जानाय बे सावथुना क्रिटिक्सनि फारसेनिफ्राय गोबां अन्साइ जादों। सासे इजजारआ भिजय सेतुपतिनि 'एस' सावथुनखौ 5 आव 3 रेटि होदों। गुबुन सासे इजजारआ बुडेदि, एस सावथुना मुजिथावना एक्सन गोनां,

हिन्दी सावथुननि मुंदांखा फावरखुंग्रि काजलआ कलकाताआव बिमा कालिनि दर्शन खालामफैदों



हिन्दी सिनेमानि मुंदांखा फावरखुंग्रि हिसाबै काजलखौ सिनायथिनाय जायो। फैगौ समाव काजलआ फावरखुंग्रि महैर मा सावथुनाव नुजाथिगोन। बे सावथुननि रिलिजनि सिगां काजलआ कलकातायाव दक्षिनेश्वर कालि मन्दिरनि दर्शन खालामनो थांदों। फावरखुंग्रिनि बे खाबुनि लेटेस्ट सावगारि आरो भिडिअया सशेल मिडियाआव गोख्रैथै भाइरेल जागासिनो दं। बेनि अनगायै 'मा' सावथुननि फावरखुंग्रियाया भारतीय सान्त्रिनि फारसे उतखारिफोरनि हेंथायै सालायनाय अपारेशन सिन्दुरखौ लानानै गावनि बिबुंथि होदों आरो सान्त्रिफोरखौ बाख्यायदों।

बलिउडनि फावरखुंग्रि काजलआ अपारेशन सिन्दुरनि थाखाय सान्त्रिफोरखौ बाख्यायदों। गावनि गोदान सावथुन 'मा' खौ फोसावनायनि बिथिडाव कलकातायाव थांनाय काजलनाव जेब्ला 'अपारेशन सिन्दुर'नि सोमोन्दै सोंथि खालामो अब्ला बिथाड सुंद'थै फिन्नाय होना बुडोदि, आं सान्त्रि हान्जाफोरखौ सनमान होयो आरो हादतनि फारसे सान्त्रि हान्जाफोरखौ सनमान होयो आरो हादतनि फारसे बाउसोमनायनि थाखाय बिसोरखौ साबायखर होयो। काजलआ बृहस्पतिबारखालि फुडाव दक्षिनेश्वर कालि

मन्दिरआव थांनानै आर'ज गाबहैदों आरो खुलुमहैदों। काजलआ गावनि फैनो गोनां 'मा' सावथुनाव गावनि बिफाव लानायखौ गावनि केरियारनि गोखोंसिन बिफाव होन्ना मिबथि होदों। काजलनि सिगां बलिउडनि माखासे सेलेब्सफोर अपारेशन सिन्दुरखौ सापर्ट खालामनानै भारतीय सान्त्रिफोरखौ बाख्यायदों। मिबथि होनाय जायोदि, दान मोनसे सिगां जम्मु आरो काश्मीरआव जानाय पेहेलगाम उतखारि गाग्लोबनायनि हेंथायै फिन्नाय होन्ना नै इन्डियान आर्मिआ पिअके आरो पाकिस्तानआव थानाय मोन 9

बलिउड सावथुन 'हाउसफुल 5' नि ट्रेलारआ 27 मे अक्टखालि रिलिज जागोन

बलिउडनि फावरखुंगुर अक्षय कुमारआ 'हाउसफुल' फ्रेन्चाइजिनि 5थि खोन्दो 'हाउसफुल 5' जों लोगोसे फैफिनसिगोन। बेयो भारतनि गिबि फ्रेन्चाइजि, जायनि दावबायनाया 5थि खोन्दोसिम थांबाय। बे सावथुननि टिजारआ सोराडव फैनायनि उनिफ्रायनो अन्सायगिरिफोरा बे सावथुननि थाखाय एक्साइटेड जानानै दड। मानोना बेयाव सासे सानैल' नड गासै सा 19 फावगिरिफोरा गाहाइ फावआव नुजाथिगोन। टिजारनि उनाव आथिखालाव मेकास'फोरा ट्रेलार लन्च खालामनोबो थियारि जाबाय। 'हाउसफुल 5' नि ट्रेलारआ 27 मेखालि रिलिज जागोन। बलिउड हांगामानि मोनसे रिपर्टआव मिबथिनाय बादिब्ला, मेकास'फोरा सावथुननि रिलिजनि 10 सान सिगां बेनि प्रमशनखौ जागायनो



नागिरदोंमोन आरो बेखौ मोनसे गोजौ लेभेलआव लांनो लुबैदोंमोन। 27 मेखालि ट्रेलार रिलिज खालामनायाबो मेकास'फोरनि प्रमशन स्टेटेजिनि

बाहागो। ट्रेलार लन्चनि थाखाय मोनसे इभेन्टबो प्लान खालामनाय जादों, जेराव सावथुननि गासै स्टार कास्टआ थाफागोन। बेखौबो बुंनाय

जादोंदि, ट्रेलार रिलिजनि उनिफ्राय सावथुननि रिलिजसिम मेकास'फोरा प्रमशननि प्लान खालामगासिनो दड। मेकास'फोर आरो सावथुननि

एश्वर्या राय बच्चनआ कान्सनि नैथि सानावबो साफ्रोमनि नोजोरखौ गावनि फारसे बोदों

2002 माइथायाव गिबि खेब समाइना आइजोफोरनि गेजेराव सासे बिउटि कुइन एश्वर्या राय बच्चनआ कान्सनि रेड कार्पेटआव आगान हेजेन्दोंमोन। गोमो गाबनि सारियाव गावनि देभदास टिमजों लोगोसे



कान्सआव सौहैनाय फावरखुंग्रिआ साफ्रोमनि नोजोरखौ गावनि फारसे बोदोंमोन। 23 बोसोर उनाव आथिखालाव फिन खनसेबाव बिथाड गावनि गोजाम चार्मजों लोगोसे फैफिन्दों। एश्वर्या राय बच्चनआ सोलिफु बोसोराव कान्स फिल्म फेस्टिभेलनि गिबि सानाव भारतीय लुकजों साफ्रोमनिबो नोजोरखौ गावनि

फारसे बोदों। गुफुर बनारसि सारियाव मिस वर्ल्डआ सिल्भार, रज गल्डनि माल्टिलेयर्ड ज्वेलारि गान्ना नै गावनि लुकखौ आबु खालामदोंमोन। मनिष मल्हत्रानि डिजाइन खालामनाय सारिजों लोगोसे फावरखुंग्रिनि गासै लुकखौ बिथांनि खाफालनि सिन्दुरआ आरोबाव समाइनासिन नुहोदों। अदेबानि नैथि सानावबो एश्वर्या राय

बच्चनआ फोरमान खालामदोंदि, कान्सनि कुइन एबा रानि होन्ना नै। गिबि सानाव जेराव बिथाड ट्रेडिशनल लुकआव नुनो मोन्दोंमोन आरो नैथि सानाव बिथाड गावनि बल्ड लुकखौ दिन्थिदों, नाथाय भारतीय काल्चारजों लोगोसे। बिथाड कान्सनि नैथि सानाव गोसोम गाबनि गाउन गान्दोंमोन आरो बेखौ मोनसे सिल्भार केपजों

परेश रावलआ 'हेरा पेरि 3' सावथुननिफ्राय जानगार जानायाव अक्षय कुमारनि मेगनाव मोदै बोहैदों

बलिउडनि फावरखुंगुर परेश रावलआ मस्ट एन्ट्रिपेटेड सावथुन 'हेरा पेरि 3' निफ्राय जानगार जानो थांखि लाबाय। जेब्लानिफ्राय परेश रावलनि एग्जिटनि खौरड सोराडव फैदों बे समनिफ्रायनो अन्सायगिरिफोरनि गेजेराव दुखु

जानायखौ नुनो मोन्दों। बावैसो सिगां सावथुननि बिथोनगिरि प्रियदर्शनआबो फोरमायदोंदि, स्टार कास्टआबो परेशनि जानगार जानायखौ मोजां मोनाखै। बबेखा नि अक्षय कुमारनि मेगनावबो मोदै बोहैनायखौ नुनो मोन्दोंमोन। प्रियदर्शननि बिथोन होनायाव बानाय जानाय हेरा पेरि सावथुन आरो फिर हेरा पेरि सावथुना नायगिरिफोरनि गेजेराव मोनसे आलादा फेनबेस बानायना लाबायमोन। बे क्लासिक कल्ट सावथुनआव जर'खासिन बाश्त्राया बेनि श्रिय'मोन, जायनि बायनायाव बांसिन अक्षय कुमारआ दुखु मोन्दोंमोन, मानोना बिथाड बे सावथुनखौ बानायदोंबोमोन। मिड-डे जों लोगोसे बाश्त्रा सावरायनायाव प्रियदर्शनआ मिबथि होयोदि,



जों गासै कन्ट्रेक्सआव मुंसाइ होखाबायमोन। 10 सान सिगां सुनिल, अक्षय आरो परेशआ आरोबाव मोनसे सिन आइपिएलनि टिजारखौ सुट खालामदोंमोन। प्रियदर्शनआ आरोबाव मिबथि होदोंदि, हेरा पेरि 3 सावथुनखौ खालामनो थाखाय आंनि गनायथिनि

उनावसो अक्षयआ राइटसरखौ बायदों। जेब्ला अक्षयआ आंनाव सोंथि खालामदोंमोन जे प्रियन, परेशआ जोंजों मानो बिबि खालामगासिनो दड? अब्ला बे समाव बिथांनि मेगनाव मोदै गदोंमोन। बिथाडाबो बेखौनो बुंदोंदि, अक्षयआ जेखौ

नायबिजरगासिनो दड, बियो बेखौ बुजियो। बिथानि टिमआ रोखायै बुंदोंदि, परेशनि गनायथिनि उनावसो बिथाड सावथुननि राइटसरखौ बायदोंमोन आरो सुटिखौबो जागायदोंमोन। आथिखालाव हरखाबै बिथानि सावथुन नागरानायाव बिथाड गोबां खहा जादों।

अटितिनि मस्ट अवेटेड वेब सिरिज 'देभिका एन्ड डेनि'नि रिलिज अक्टआ सोरांआव फैबाय

अटिति फैनायनि उनाव दा सावथुनफोरनिखुइ बांसिन वेब सिरिजनि क्रेजि जानायखौ नुनो मोन्दों। वेब सिरिजआव क्राइम थ्रिलर एबा हररनि गासै जनारखौ जोबोद अन्साइगासिनो दं। बेल' नड, माखासे रमान्टिक वेब सिरिजआबो नायगिरिफोरनि गोसोआव जर'खा जायगा बानायदों। आथिखालाव आरोबाव मोनसे मस्ट अवेटेड वेब सिरिजआ रिलिज जानो थाखाय थियारि जाबाय। बे वेब



सिरिजआबो जादों तेलुगु सिनेमानि 'देभिका एन्ड डेनि'। जेब्ला सिरिजनि एनाउन्समेन्ट जादोंमोन, बे समनिफ्रायनो बेनि रिलिज अक्टखौबो नेनानै दंमोन। बे सावथुना देभिका मुंनि हिन्जावनि सायाव बिथा खालामनाय, जाय नख'रनि मोजां मोन्नाय हौवाजों जुलि जानो नागिरो। अदेबानि बियो जेबो जिंगा सियालालसै गावनि जुलिन

लाहार-फाहार खालामनायाव नांथाबफायो, बे समावनो बिनि जिउआव डेनि मुंनि सासे सुबुंआ फैयो, जाय बिनि जिउखौ सोलाय होयो। गावनि फिसाइ जानो गोनांखौ नागराना बिनि गोसोआ डेनिनि फारसे गलियो, जाय बिखौ मोनसे गोदान मुलुगाव लाडो। नाथाय जोबथा समाव थांखिखौ सोलायनाया देभिकानि थाखाय गोरलै नडमोन। बेवहाय गोबां रोखोमनि सेलेन्सफोर फैयो। सिरिजआ एफा-एनै र्मान्स, कमेडि आरो

एक्सनजों लोगोसे इन्टरटेनमेन्टजों बुंफबनाय। देभिका एन्ड डेनिआ रिलिज जानो इसे सम दंबावो। बे फैगोन दानाव रिलिज जागोन आरो बेनि रिलिज अक्टआनो जादों 6 जुन 2025। बयबो बेखौ जियहटस्टारआव नायनो हागोन। कार्टिनि बाश्त्रा सावरायोब्ला सिरिजआव रितु बर्मा आरो सुर्य बशिष्ठआ गाहाइ फावआव दं, अदेबानि मौनिकारैडडी, सुब्बाराजु, शिव कन्डुकिरि कौवड सरला, हर्षा चेमुडु आरो माखासे फावगिरिफोरबो फावआव दं।

